

BEATI GREGORII
PAPÆ DECIMI

PLACENTINI

Vitæ, Virtutum, ac Miraculorum

RELATIO

F A C T A

SANCTISSIMO DOMINO NOSTRO

URBANO PP. VIII.

Per Sacræ Rotæ Auditores.

*Jo: Baptistam Coccinum Decanum,
Philippum Pirovanum, &
Clementem Merlinum.*

AD EFFECTUM CANONIZATIONIS EJUSDEM.



Nunc primum in lucem prodit.

R O M Æ, M D C C X I.

Ex Typographia Georgii Plachi, Cælaturam Profitentis,
& Characterum Fusoriâ, apud S. MARCUM.
Superiorum Auctoritate.

THE UNIVERSITY OF CHICAGO

PHILIP H. KATZ

1968

THE UNIVERSITY OF CHICAGO

PHILIP H. KATZ

THE UNIVERSITY OF CHICAGO

PHILIP H. KATZ



T Stella differt à Stella in claritate (BEATISSIME PATER) sic inter hominum merita, qui in Ecclesia Dei cæteris sanctitate prælucent, discrimen neque exiguum neque obscurum est. Aliquorum virtus magna est illa quidem, sed circumscripta loco, sed definita personis, atque ut oculis, ita imitationi subtrahita; aliorum verò

latissimè patet, in populorum conspectu, exemploque versatur, omnium salutem, commodisque dirigitur. Etenim ad magnitudinem virtutis æstimandam multum facit & publica hominum utilitas, & locorum amplitudo, & occasionum opportunitas, & quidam quasi splendor, & excellentia, qua non magis gradu hominibus præstant homines, quàm virtutes aliæ inter alias obtinent principatum; & quemadmodum vitia non paria sunt omnia; immò infra vitium esse aliquid asserunt Sapientes, quod hominem infra homines deponat, & quasi serarum in numero constituat, ideoque feritati nomen indiderunt; ita planè disputant de Virtutibus, inter quas esse affirmant aliquas, quæ hominem extrahant ab hominibus, atque inter Heroas, sive (ut Prisci loquebantur) Semideos extollant, easque propterea nobiliori appellatione Heroicas nominarunt. Horum in numero, quos magnæ principisque virtutes supra cæteros extulerunt, quam meritò reponatur famulus Dei Gregorius Decimus Pontifex Maximus, faciliè assentietur quisquis secum reputabit nihil ab eo ad sanctitatis palmam contendente, ac Dei gloriam obsequiumque spectante, nihil certis locorum angustiis conclusum, nihil paucorum hominum commodis definitum, sed ampla & publica omnia, omniumque utilitatem fructumque complexa: Italiæ populi ex atrocissimis bellis ad pacem sæpe numero revocati: Græcorum Imperator ac Natio universa ad concordiam cum Romanâ Ecclesiâ reducti: ad Syriæ expeditionem, sacrumque bellum populi ac Reges inflammati: Pontificiis Comitibus ratio, leges, locus, accuratè præscripta: in Concilio Lugdunensi, cui Pontifex ipse, Græcique Imperatoris Nuntii interfuerunt, quamplurima ad Ecclesiæ dignitatem, amplitudinemque decreta: nulla pars Christianæ Reipublicæ prætermissa: Pauperes à Potentiorum vi acriter defensi: ad Captivorum libertatem cura & pecunia liberaliter impertita: Catholici Principes, Regesque,

ac Cæsares nunc depositis armis inter se reconciliati, nunc ab usurpatis Ecclesiæ bonis absteriti, semper officii & pietatis admoniti: universus sibi committus Christi grex assiduus ad Deum precibus, simulque indefessâ vigilantia & charitate custoditus. Quid hæc aliud prædicant, quàm excellentium virtutum ac sanctimoniz insignis Heroem, positum à Deo super Ecclesiæ candelabrum, ut omnibus, qui magnâ hac mundi domo continentur, suæ beneficiæ radios longè lateque diffundat?

Verum ne aut rerum à Gregorio gestarum varietatem & copiam complexione confundamus: aut gravissimas Sanctitatis Vestræ curas prolixitate fatigemus; partitè, ac breviter omnia comprehendendo Relationem universam dividemus in partes quatuor, quarum prima Processuum validitatem; secunda Gregorii Vitam; tertia ejus Virtutes, quarta Miracula complectetur.

*De Processibus Remissorialibus & Compulsorialibus, Placentino,
& Aretino, de illorum legitima fabricatione,
& de valido examine Testium.*

DE validitate processuum, & actorum summâ cum ratione solemus diligenter quærere & investigare, tanquam de basi ac fundamento veritatis gestorum per Dei servos, quæ veritas per testes, instrumenta, & acta nobis innotescere debet, ut inde ex probatis in judicio, non autem ex his, quæ privati ac particulari scientia perceperimus, sententiam dicamus c. judicet 3. qu. 7. S.Th. 2. 2. q. 67. art. 2. Jo: Major. in 3. sententiarum dist. 33. q. 4.

Postquàm igitur placuit Sanctitati Vestræ ex particulari suo rescripto Sacræ Congregationi Rituum Causam Canonizationis san. mem. Gregorii X. committere cum sufficiente, & legitimâ jurisdictione eidem datâ procedendi tam in Curia, quàm extra, ubique locorum, & testes in partibus per Episcopos, seu alias personas in Dignitate Ecclesiastica constitutas ab ipsâ Congregatione deputandas vigore litterarum remissorialium examinandi, & jura & scripturas in universis locis compulsandi, exinde ab eadem Sagra Congregatione emanarunt litteræ Remissoriales & Compulsoriales pro Diocæsi tam Placentina, quàm Aretina, & primò pro Placentina ad instantiam Petri Mariæ Campi Canonici Placentini, & Hortentii de Comitibus Causidici pariter Placentini

centini Procuratorum Capituli Ecclesiæ Placentinæ, & Cleri totius Civitatis & Diœcesis, ac Communitatis Civitatis Placentinæ, directæ Joanni Linato Episcopo Placentino, Publio Petrejo Stripio Archidiacono, ac Mauritio Baldino Decano, Dignitatibus in eadem Ecclesia Placentina existentibus: & pro Aretina ad instantiam Andræ Lippii, Jacobi Buralii & Æmilii Vezzosi; Procuratorum Civitatis Aretii, directæ Antonio de Ricciis Episcopo Aretino, Æmilio Guadagno Canonico Aretino, & Ludovico Gualterio Præposito pariter Ecclesiæ Aretinæ: in quibus respectivè litteris præscripta legitur certa forma servanda in utroque Processu tam Remissoriali, quàm Compulsoriali, quibus absolutis per Judices delegatos, & ad eandem Sacram Congregationem transmissis, aperti fuerunt, & de ordine ejusdem recognitiæ manus Notariorum & Judicum, sigilla & legalitates per Testes habentes notam manum, ut ex Regesto & juxtà stylum Curiæ, de quo testantur Put. decif. 18. de fide Instrument. & Vestr. in sua praxi lib. 6. cap. 1. num. 8. Et cum eadem Sacra Congregatio invenisset in Processu fabricato Aretii nonnullos defectus, nempe circa deputationem Notarii, qui ex forma litterarum Remissorialium debebât esse Apostolicus, vel Ecclesiasticus, & tamen Notarius Imperialis & Ducalis tantummodò nuncupabatur, quamvis esset Curiæ Episcopalis Cancellarius: Secundò, quia in eodem Processu deerant illa verba: *saltem coram fide digno Notario Apostolico sive Ecclesiastico à vobis &c.* Tertiò, non apparebat aliquod mandatum speciale in Processu Auctoritate Apostolicâ fabricato, sed tantum fuit productum primum mandatum, sed electio per Consilium Civitatis Aretii in personas diversorum facta: Quartò, Judices interposuerunt decreta horis Tertiarum, & Vesperarum, cum tamen citationes continerent terminum de mane horâ sexta: Quintò, nonnulli Testes fuerunt citati ad subjiciendum se examini pro die quartâ, & juramenta & examen recepta fuerunt sub die vigesimâ octavâ: Sextò, deficiebat in tertio Teste verbum hoc (admissus per Dominos Judices): Septimò, quia unus ex Procuratoribus fuit examinatus uti Medicus: ac demum quia in eisdem litteris Remissorialibus ab Urbe transmissis erratum fuerat in nomine Judicum delegatorum, quamvis cognomen esset idem, prout expressum legitur: supplicatum fuit Sanctitati Vestræ pro sanatione abundando in cautela, ne unquam posset dubitari

tari de Validitate Processuum : & eâ obtentâ Sacra Congregatio Auctoritate Sanctitatis Vestræ sanavit prædictos defectus, præter quintam nullitatem Testium extra terminum examinerum : exinde eadem Auctoritate & quintam sustulit, ac postmodum ex novo Sanctitatis Vestræ rescripto & auctoritate iidem Processus ad nos transmissi fuerunt, ut de Validitate eorum, sanctitate Vitæ, & Miraculis in dictis Processibus contentis, Relationem faceremus.

Quare dicimus constare de Validitate utriusque Processus tam Remissorialis, quàm Compulsorialis, & de legitimo rectoque Testium examine, quia forma data in litteris fuit servata, & ordo juris in procedendo non fuit omisus, quibus concurrentibus pro validitate semper pronunciandum est, cap. cum dilecta de rescript., Caputuq. decis. 143. num. 5, part. 3., Bald. in lib. 2. column. final. Cod. quomodo & quando Judex, & in c. 1, qui success. teneantur in usib. feud.

De jurisdictione autem Sacræ Congregationis & Judicum ab ea delegatorum, dubitari non potest, quia per rescripta sufficienter illa tribuitur Ianoc. in c. cum M. in fine de rescript., Cassad. dec. 1. eod. tit. & fluit à Summ. Pont. qui est fons Jurisdictionum c. 1. 22. distinct., Menoch. de præsumpt. lib. 2. præsumpt. 14. num. 2., Masrill. de Magistr. lib. 2. c. 2. Et cum litteræ Remissoriales fuerint eisdem Judicibus præsentatæ, & ab eisdem acceptatæ, firmata remansit Jurisdictio, Clement. 1. in verb. receptis de procur., Cassador. decis. 8. num. 12. de restitut. spoliat., Gabr. de execut. rei judicat. conclus. 3. numer. 3. cum qua ad ulteriora procedendo Notarios, & Nuntios deputarunt, recepto solito juramento de fideliter eorum officio exercendo : mox loca, & dies audientiarum deputarunt, Procuratores verò nominati coram Delegatis comparuerunt, & eorum mandata exhibuerunt, ut in Placentino fol. 11. & in Aretino fol. 26. qui postmodum comparentes insisterunt pro receptione Testium, & juramentorum delatione, & constat ex eisdem Processibus validè, & juris ordine servato, illos fuisse receptos, quia quilibet fuit citatus ad ferendum testimonium, & omnes juramenta verè præstiterunt tactis Scripturis per Laicos, & per Religiosos more Sacerdotali manu ad pectus posita : deinde fuerunt interrogati primò super Interrogatoriis pro forma in litteris Remissorialibus datis : deinde super aliis, postremò super Articulis : quibus peractis Procurato-

res

tes infisterunt pro transumptione Processuum, quæ per Judices delegatos fuit decreta, & ad eum effectum deputatus fuit Notarius, qui cum Notario actuario ad collationem deveniret, quæ postmodum facta fuit præviâ auscultatione fol. 53. in Placentino, & fol. 208. in Aretino, & clausi & sigillati traditi fuerunt Portitori, recepto ab eo juramento de fideliter eis consignandis, prout verè Sacræ Congregationi consignati fuerunt.

Processus etiam Compulsorales validè fabricatos existimamus, quia constat ex eisdem de tenore litterarum Compulsorialium insertarum in litteris Remissorialibus, de acceptatione per eosdem Judices delegatos, Notariorum & Cursorum deputatione, de citatione eorum, penes quos scripturæ compulsandæ reperiébantur; ut illas exhiberent, & de exhibitione constat, & de recognitione earumdem per Testes validè examinatos, de decretis Judicum super extractione, collatione, & auscultatione, quæ executioni mandata fuerunt per Notarios deputatos, cum receptione soliti juramenti: quibus peractis clausi fuerunt & sigillati, & Portitori consignati, & Sacræ Congregatione transmissi, & ab ea servatis servandis recogniti: quæ omnia & formæ datæ in litteris & dispositioni Juris convenire comperimus.

Processus verò novissimè factus in Civitate Aretina, & nobis præsentatus ad probandam publicam vocem & famam quoad particularia Miracula, habet eandem formam probantem: ritè, retèque Testes in eo fuerunt examinati, & validè recognitæ sunt manus Judicum & Notariorum ac legalitates, quia servata fuerunt omnia in litteris desiderata, & quæ ex dispositione legum pro forma dantur secundum ponderationem suprâ factam.

Nunc ad alteram Relationis partem gradum faciamus.

*De Nativitate Beati Gregorii Papæ Decimi ejusque
pueritia, & adolescentia, ac in
Virtutibus progressu.*

Natus est hic Dei servus in Civitate Placentiæ Regionis Italiæ, Provinciæ verò Lombardiæ citra Padum, ex nobilissima & antiqua Vicecomitum progenie, legitimis Conjugibus, & juxta Ritus S. R. E. baptizatus Thealdi, seu Theobaldi nomine suscepto, piè ac laudabiliter ab eisdem educatus est, qui in puerili

(VIII)

rili ætate quantus futurus esset in oculis Dei præclara exhibens indicia clericalem habitum suscepit, ut de sorte Domini esset, & Christi Ecclesiæ inserviret, seque, & alios virtutum ductu regeret, ac Regnum cum Deo haberet. Adolescens ab humanioribus litteris ad liberales disciplinas gradum fecit, & in jus canonicum assiduus incubuit, non tam ut mentem pasceret, quàm ut per cognitionem Canonum, & Decretorum Deo utiliore se præberet. Sed prædictis non contentus ad perfectiora respiciens, ad quæ propriâ virtute, & viribus pertingere haud faciliè speraret, auditâ Concivis sui Jacobi Cardinalis Pecoraria Episcopi Prænestrini vitâ & sanctitate, summo studio se illi adjungi curavit, cui dum inserviret, aded dulcia fuerunt faucibus ejus colloquia Domini, ut faciliè eisdem virtutibus imbueretur, quibus Vir ille præclarus ornatus erat. Invalescente postmodum gravi & infestâ persecutione contra Romanam Ecclesiam, quam ei Federicus Imperator acrius inferebat; idem Episcopus Prænestrinus per Gregorium Nonum commisso sibi Legationis officio pergens ad Franciæ & Germaniæ Regna, Domui & Familiæ suæ Dei servum præposuit, & vacante Archidiaconatu in Ecclesia Leodiensi, eâ Dignitate illum condecoravit. Redeunte demùm à munere suæ Legationis Jacobo Cardinale Archidiaconus in Regno Franciæ morbo implicitus non sinè Divini Numinis providentiâ remansit: mox valetudini restitutus Theologiæ Parisiis operam dedit, ubi munus Magistri adeptus, & in ea Urbe, & Leodii, alibique verbo, ac exemplo omnes, & præcipuè Reges, & Principes ad Terræ Sanctæ recuperationem vehementer accendit; & ipse Archidiaconus dum Laicos aded fervore Fidei incensos prospicit, non minori inflammatus ardore, intrepidus maris periculis se exponens, eò etiam pervenit, ubi verbo & opere Reges, & Principes animavit, ne Terram, in qua Dei Filius natus est, & ubi Sacramentum Redemptionis nostræ patraverat, à Sacracenis possideri, & detineri permitterent: & factum est, ut Dei Servus his intentus incenso quidem amore, viribus tamen imparibus, dum tam gravem provinciam inconcusso animo aggrediretur, à Cardinalibus, qui Viterbii in eligendo Summo Pontifice dissidebant, quamvis absens, & multis ignotus, divino Spiritu afflante, qui homines non ubi sint, sed qui sint, expendit ad apices Summi Apostolatus eveheretur, ut, quem zelus Domus Dei comedebat, dexterâ Domini

Domini

Domini exaltaretur, ac Domui Domini præficeretur.

Quantos verò labores, quæ incommoda in his itineribus sustinuerit, quibus Virtutibus & cœlestibus donis divinitus insignitus Pontificatum administraverit, de illis sigillatim in hacertia Relationis parte agendum erit.

*De Virtutibus Theologicalibus & primò
De Excellentia Fidei B. Gregorii.*

SI hæc virtus per suas partes examinetur in Servo Dei, nempe per actus credendi, sciendi, & res Fidei confitendi, & quæ definitur substantia sperandarum rerum, argumentum non apparentium, dùm per illud movetur intellectus ad bonum inhærendo veritati per solam Dei auctoritatem revelatæ, ut docet S. Thomas 2. 2. qu. 4. art. 1. Hostiens. & Innoc. in c. firmiter de Summ. Trinit. & Fide Cathol., Azor. Instit. Moral. tom. 1. lib. 8. cap. 7. quæst. 1., Sanchez in summa lib. 2. c. 1. in princ., eisdem satisfecisse acta Processuum plenè justificant.

Præcepto credendi satisfactum existimamus, quia ex piis & catholicis parentibus natus est, & juxta Ritum S. R. E. baptizatus, Clericali postmodum coronâ insignitus, mox ad sacros Ordines promotus, & denique Pontifex creatus, quæ omnia fuerunt articulata in utroque Processu Remissoriali Aretino, & Placentino, art. xi. & probata per Testes de publica voce & fama, qui in antiquis & excedentibus hominum memoriam suprâ annos 300., ut hic, solent concludenter probare, ut infrâ, cum de Articulo Sanctitatis in genere tractabimus, opportunè subjiciemus, nam prædicta deponunt in Processu Remissoriali Aretino I. Testis fol. 38., II. fol. 44., III. fol. 51., IV. fol. 58., V. fol. 66., VI. fol. 73., VII. fol. 80., VIII. fol. 90., & in Placentino Remissoriali VI. Testis fol. 67., VII. fol. 72., IX. fol. 83. & confirmant litteræ Sacri Collegii ad eundem de ipsius Electione, quæ in Regesto Vaticano asservantur, quarum etiam partem refert IX. Testis in Placentino Processu Remissoriali super 26. fol. 84., & dum de sorte Domini factus est, Deique Minister evasit, ejusque vices in Terris gerere cœpit, per virtutem intellectualem adhæsisse dicitur his, quæ à Deo sunt revelata, ut per Charitatem, tamquam Fidei objectum, formâ ejusdem Fidei in eo perficeretur, & per

eam Deum cognosceret, ut dixit S. Gregorius super Ecclesiastic. Homil. 3.

Verum & de secundo præcepto, quod est sciendi res Fidei, credimus ex eisdem Processibus abundanter constare, quia in Theologo, Concionatore, & Dei Vicario non sunt movendæ quæstiones implicitæ, vel explicitæ scientiæ, sed agendum de tertio præcepto, nempe Fidei confessione, in qua B. Gregorius per dilectionem & honorem Dei sui tam magna operatus est in vita sua, ut cum Paulo ad Galatas c. 2. exclamare posset: *Vivo autem jam non ego; vivit verò in me Christus.*

Nam insignem Beati Pontificis Fidei confessionem præter verbi Dei prædicationem, dum adhuc esset Archidiaconus, & ad Christianifideles cohortationes ad sacram militiam contra Saracenos suscipiendam, ostendunt publica, & solemnitas ipsius, & Patrum in Concilio Lugdunensi astantium Fidei professio, de qua in c. Unico de Summ. Trinit. & Fide Catholica in 7. ejusdemque Pontificis zelus, lacrymæ, labores immensi, exhortationes, missiones, inquisitiones pro eadem Fide à barbaris nationibus profitenda, & amplexanda, quæ tanquam ordinata ad significandum id, quod Beatus Vir interiùs gerebat, benè inferunt ad æctum Fidei, qui secundum S. Thomam 2. 2. quæst. 3. art. 1. est conceptus interior eorum, quæ sunt Fidei, à quo exindè emanat sermo confitentis, ut loquatur, quod credidit, ut in Psalm. 115. David loquens de isto interiori conceptu dicit: Credidi, propter quod loquutus sum: & Apostolus 2. Corinth. cap. 4. referens eadem verba: Habentes (inquit) eundem spiritum Fidei credimus, propter quod loquimur. Quare B. Pontifex, ut omnes eundem spiritum Fidei haberent:

Paleologum Græcorum Imperatorem interpellavit, lachrymis, & profundis suspiriis immensi Dei bonitatem invocans, ut ipse, in cujus unitate fundatur Fidei veritas, suam sanctamque atquæ Catholicam reintegrando uniret, & uniendo reintegraret, in sinu ejus populis universis Latinis, & Græcis specialiter adunatis in Fide integra, Spe solidâ, & Charitate sincerâ. Cujus verba quasi alterius Danielis ex die, quo posuit cor suum ad intelligendum, ut se affligeret in conspectu Dei sui, exaudita fuerunt; litteris namque ab eodem Paleologo. per Nuncios acceptis unus ex eis se viva voce à dicto Imperatore in mandatis habere referens,

rens, quod posset jurare in animam ipsius, si Domino Papæ placeret, professus est Fidem Romanæ Ecclesiæ, quæ lecta fuerat in Concilio, tenere dictum Imperatorem, & Imperium, eamque perpetuò servaturos: Papa statim alta voce, Te Deum laudamus, incipiente, & stante semper erecto, ac sine Mitra cum multa devotione; & lachrymarum profusione, Choro prosequente, ac complente, undè & in voces exultationis dictus Dei servus erumpens, postea in Epistolis ad eundem Paleologum inquit: O utinam, Fili, tibi pateret ad plenum cum quanto in his occurrit tripudio eadem Ecclesia nuper in Lugdunensi Concilio congregata: O si voces Psallentium inibi, Deumque flexis genibus, nudatisque capitibus laudantium, præcipuè Prælatorum, in tuis sonuissent auribus, & revelata facie ipsorum oculos deducentes quasi aquarum exitus inspexisses, profectò prudenter adverteres, quod erant eorum lacrymæ tam excessivi doloris indices, quàm adeptæ letitiæ proditrices. Et in aliis Epistolis ad Andronicum ejusdem Paleologi Imperatoris Primogenitum: Habes, Fili, undè in Domino tuo exultes, & fatearis humiliter tibi de immenso ipsius dono concessum veræ Fidei agnoscere veritatem. Ac demùm in Epistolis ad Prælatos Græciæ: Illi ergo laus, illi gloria, qui largitor bonorum omnium tantam nobis & vobis largitus est gratiam, ut nos in hæc tempora reservaverit, ut diem hunc nobis videre concesserit, quem videntes sumus in immensum non indignè gravissi ex immensitate gratiæ mensuram lætitiæ mentientes.

Abagham Tartarorum Regem piè & suppliciter cohortatus ad Fidem Sanctam suscipiendam reduxit, cujus Nuntiis tempore congregati Concilii advenientibus, & ad eundem Regem mox remissis B. Pontifex ei significavit quàm contrito corde & humiliato spiritu exoraverit Altissimum, ut ipse, qui est lux vera omnem hominem venientem in hunc mundum illuminans, & ei, ac suis suâ pietate concederet, sic semper in lumine vultus sui lumen agnoscere, quod in suis beneplacitis ambulantes ad exaltationem Fidei christianæ, & eorum salutem indefesso proposito intenderent.

Spiritu fremens contrà blasphemantes nomen Salvatoris invehebatur dicens: Proh dolor! detestabilius solito blasphematur in Gentibus nomen Christi, cum jam non tam verbis, quàm re-

bus ipsis, & factis Christianis insultetur ab Infidelibus, & dicatur: Ubi est Deus eorum?

Et non minori indignatione commotus contrà arma deferentes Saracenis, comminabatur: Horribile scelus (inquiens) & execrabile crimen meritò reprobandum, quòd nonnulli maledictionis alumni, solo nomine Christiani, victualibus, armis, vasis navalibus, & aliis necessariis, causà damnati questus, Christi muniunt inimicos.

Contra quos solertiùs invigilans ne per eorum cum Fidelibus conversationem Christiana Religio infici posset, aut aliquo modo fermentari, districtè Ordinariis præcipiebat, ut diligentius inquirerent, omnia sigillatim describerent, consilia de remediis adhibendis suggererent, & ad se per fideles Nuntios transmitterent.

Quæ omnia testimonio Vaticani Regesfri de Gestis per eundem B. Pontificem à pagina 58. usque ad 182. comprobantur, quorum postmodum sonus in omnem terram exivit, postquàm ex omni natione Scriptores eadem Gesta & Virtutes recensuere, de quibus mentio in Articulo de Sanctitate in genere habebitur, & in specie de Paleologo, ejusque, ac Regis Tartarorum Nuntiis restantur Ptolom. Lucen. in Annal. Lucen. & Vit. Pontif., Matth. Westmonast. in Floribus Hist., Simon Majol. Episcopus Vulturarien. in Dedicatoria ad Pium V. in Comment. Concilii ejusdem Gregorii X., Jacob. Zenus Episcopus Patavinus Bibliotheca Vaticanae Præfectus in Vita ipsius Gregorii.

Et magnum Fidei Zelatorem eundem declarant Sanctissimi Crucifixi oscula & amplexus, & Beatissimæ Virginis Mariæ Salutatio, dum spiritum emisit, ut deponunt Testes in Aretino, nempe I. fol. 39., II. fol. 44., III. fol. 52., IV. fol. 58., V. fol. 67., VI. fol. 74., VII. fol. 81., VIII. fol. 90. & Vita manuscripta in Placentino compulsata fol. 96. à tergo eadem omnia recenset. Ita etiam eundem appellant Fidei magnum Zelatorem S. Antoninus Archiepiscopus Florentinus hist. part. 3. tit. 20. c. 2. Jo: Pineda in Monarchia Ecclesiæ part. 3.

HÆC Virtus in Dei Servo fuit perfectissima, qui semper gaudens in Spe future beatitudinis magnas ante Deum operatus est Virtutes; Viri enim sancti, & amici Dei magnam lætitiā habent, & non sine lætitiā & gaudio in ipsa Spe, ut dicit D. Bernardus serm. 37. in Cantic. & Apostol. ad Roman. 12. *Spe gaudentes*, & Propheta Psalm. 121. tanta spe lætatur, dum gaudet in his, quæ ei dicta sunt: *In Domum Domini ibimus*: Et cum de rebus sanctis gaudium sit stilla, & gutta de illo flumine, cujus impetus lætificat Civitatem Dei, ut dicit idem D. Bernard. in serm. *Non est Regnum Dei esca & potus*. Hinc B. Gregorius ab impetu fluminis aquarum Spiritus Sancti lætificatus de certa expectatione future beatitudinis, factus mons Sion non innitebatur propriæ prudentiæ, sed in Domino ex toto corde fiduciam habebat absque dubitatione, & hæsitacione ardua aggrediebatur: urebatur ardentissimo desiderio migrandi ex hac vita, ut esset cum Christo. Quæ omnia tam ex indictione, & conclusionē Concilii Lugdunensis, quàm ex peregrinatione per eum suscepta, dum in minoribus esset in Terram Sanctam pro salutis suæ remedio, ex prædicatione Verbi Dei ad eandem etiam Spem alios inflammando, sic elucet, ut alia probatione non egeant.

Et nihilominus in Servo Dei Virtutem hanc in summo gradu perfectam pronunciant:

Susceptio oneris Pontificalis, ad quod cum sufficere non posse præficeret, levando oculos ad montem Dei, undè opportunum illi proveniret auxilium, & hoc humiliter petiit, devotè speravit, & divino munere obtinuit.

Laborum perferendorum securitas; sub Spe namque illius, qui dat lapsis virtutem, & sub fiducia illius, qui de sua Misericordia omnes confortat, onera parvi pendit, & labores consideratione calcavit, debilitatemque propriam contempsit, ut indè & Reges, & Prælati sub eadem Spe ac virtute animati ab itinere ad Concilium Lugdunense pedem non referrent.

Pacis conciliandæ sollicitudo cum & sub Spe illius, cui est facile (ut ipse agebat,) res etiam desperatas sinè moliminis tarditate perficere, complurium dissidentium corda indissolubilis charitatis bitumine univerit.

Obse:

Obsecrationes ad Reges, & Principes, ut per misericordiam Jesu Christi, & ob immarcescibilis coronæ gloriæ fiduciam propositum succurrendi Terræ Sanctæ efficaciter implerent.

Missiones Fratrum Minorum in Germaniam, quorum labores humano affectu pensando paternā quidem pietate illis commiserabatur, sed altius considerationis oculos levando, attendensque illos in servitio illius laborare, cui nunquam sine remuneratione servitur, congaudendum illis potius existimavit, quod magnitudine laborum certam immensæ retributionis Spem tenerent, per quam & ipsorum laborantium zelus accendebatur.

Quæ omnia pariter & Vaticana Regesta à pag. 1. usque ad 182. & Historici referendi in Articulo de Sanctitate in genere commemorant, aliaque inferiùs dicenda clariùs etiam comprobabunt.

De immensa charitate Beati Pontificis in Deum.

Nisi charitatem habuero, nihil sum, dicit Apostol. 1. ad Corinth. cap. 3. quia verè est aliarum Virtutum totum continens, & *Vinculum perfectionis*: idem Apostol. ad Colossen. c. 3., & S. Doctor 2. 2. q. 23. art. 6. *cæterarum Virtutum mater* dicit, & est illa, quæ nos Deo conjungit, ut illum summum bonum diligamus propter ipsius bonitatem: reliqua autem omnia in ipso, & propter ipsum; in qua virtute quantum profecerit Sanctus Pontifex, & quem gradum eminentiæ pertigerit, ut anima illius esset pretiosa in conspectu Dei, sequentia faciliè justificant.

Primò enim hujus divini amoris indicia desumuntur ex eo, quoddùm ætatem puerilem vix pertingeret, habitum clericalem suscepit, ut Deo, & Ecclesiæ serviens per ardentissimam voluntatem serviendi, & Deo placendi ex puro famulatu uniretur ad amabilem perfectionem, quod verè postea consequutus est, quia divino amore aded incensus fuit, ut ei videretur continuà Dei præsentia frui, & quasi impatiens cupiebat dissolvi, & esse cum Christo, juxta ea, quæ refert S. Bonaventura proc. 6. Relig. c. 8. & hoc idem Beatus ipse Pontifex Patribus in Concilio apertè manifestavit, ut legitur in Vita ejus compulsata in Placentino Processu Remissoriali fol. 95. & litteræ Sacri Collegii idem comprobant.

Secun-

Secundò Divini Amoris ardor eò magis detegitur, quia Dei Servus fuit vigilantissimus Mandatorum Divinorum observator, & quantum potuit, alios ad eandem observantiam impulit, ut per consequentiam observationis præceptorum mereretur ore Salvatoris Dilectus pronunciari, secundùm illud Joan. in Evang. c. 14. & Sancti Gregorii in Homil. 30. super eodem Evangel. *qui diligit me, sermones meos servabit*, & inde per repromissionem frueretur Divinà præsentia, ut in eodem Evangelio subjungitur: *ad eum venimus, & cum eo mansionem faciemus*: & de hac accurata diligentia, & ferventi desiderio deponunt octo Testes in Aretino super 1. & 3. respectivè Articulis, & legitur in ejus Vita manuscripta, compulsata in Placentino fol. 92. 93. & 95. & litteræ Vaticani Regesti pag. 243. scriptæ ad Jacobum Aragoniæ Regem idem testantur, in quibus Regem illum vehementissimè reprehendit ob adulterium, Dei ultionem comminando, & Pastoralis officii executionem promittendo.

Tertiò vehementius apparuit Beati Pontificis amor in Deum ex desiderio ejusdem Omnipotentis Dei gloriæ, ac laudis, & ut Terra Sancta vindicaretur e manibus Infidelium, & ejus rei gratiâ, dum in minoribus esset, in Palestinam se contulit, & creatus Pontifex firmo proposito decrevit, ut probat IX. Testis in Placentino super 16. Articulo fol. 83. Vita ejusdem Beati Pontificis. compulsata fol. 95. & Martinus Polonus, ac Ptolomæus Lucensis, ambo in Vita Gregorii Decimi, & Bernardus Guido Ordinis Prædicatorum Episcopus Lutevensis in Chronol. Rom. Pontific. Et eadem Vaticana Regesta pag. 51. 101. 115. 116. 120. 195., in quibus referuntur luctus, lachrymæ, singultus, suspiria Beati Viri tam super Civitatem Hierusalem, quàm super Cleri, & populi perditos mores, quos reformare intendebat, ac providere etiam, ne propterea blasphemaretur in Gentibus nomen Christi, & ibi præfextim, ubi idem Salvator *sæctus obediens usque ad mortem, saturatusque opprobriis clavus affixus, aceto & felle potatus, confossus lancea in Crucis patibulo tam diu mortis passionem subiit, mysterium Nostræ Redemptionis perficiens, sine qua parum Nobis Nativitas profuisset, excitante ob id Pontifice ipso Principum, & Regum animos & cunctorum Christi fidelium ad vindicandas Redemptoris nostri injurias, & redimienda ignominiosa conculcationis opprobria.*

Quartò

Quartò heroici amoris signum desumitur ex rerum temporalium contemptu, qui fuit maximus in Servo Dei, ut probant IX. Testis in Placentino super 16. Articulo fol. 83., & in Aretino octo priores Testes super 1. & 3. Articulis, & ex Historicis tradunt Jacob. Zenus Episcopus Patavinus in eundem Gregorium Decimum, dicens: *Humana omnia contemnuens de Cælestibus cogitabat*, Greg. Polid. in suo Gregoriano Addit., Vincent. Belluac. in spec. Hist. lib. 31. cap. 14. non enim auro, aut argento, vel pretiosis quibusque inhians, sed Dei omnipotentis gloriam, & honorem quærens in perfecta charitate Creatori se conjungebat, quod non nisi femotis omnibus impedimentis, & hujusmodi compedibus contingere posse affirmavit S. Doctor 2.2.q.186. art.6.

Quintò flammæ Divini amoris tunc vehementius eruperunt, cùm de sacro generali Concilio Lugduni inaeundo cogitare cœpit B. Pontifex, in quo de morum reformatione, de Cultu divino augendo, de Græcorum reconciliatione, de Tartaris ad Fidem reducendis, de Sacra Expeditione obeunda pro vendicatione Terræ Sanctæ, de Romano Imperio firmando, agendum erat, quæ postmodum ad gloriam Dei omnipotentis re ipsa complevit; nam & pro Reformatione morum, & ut dissiparet consilia gentium, ac ambientium artes compefceret, nè Ecclesia Dei suo Pastore diutius careret, formam Conclavis in posterum servandam ordinavit per decreta in c. ubi periculum §. Cæterùm, & §. quia verò, de elect. in 6. & nè Domus Dei esset Domus confabulationum, sed orationis, per aliud decretum in c. Decet Domum, de Immunit. Eccles. easdem Confabulationes prohibuit, & quæcumque alia, quæ possent divinum turbare officium, aut oculos divinæ Majestatis offendere: Similiter pro divino Cultu augendo litteras ad Provinciales Ordinum pro Jesu Christi Cruce prædicanda destinavit, quæ in Compulsoriali Placentino leguntur fol. 103. & ut securà Deo serviretur libertate compura alia Decreta pro Ecclesiastica libertate firmavit, nempe c. Sciant cuncti, & cap. Generali Constitutione de elect., c. Absolutionis de iis, quæ vi, aut metu caus. fiunt, cap. Hoc consultissimo de reb. Eccles. non alienan., c. Quicumque de sent. excommunic., c. Unico de injur. & damn. dat. . Græcam Ecclesiam cum Latina univit, in qua reconciliatione Patres Græcæ Ecclesiæ in signum unionis confessi sunt, Spiritum Sanctum à Patre Filioque procedere, & Symbolum solem-
niter

niter in Concilio decantarunt . Nuntii verò Tartarorum intrā Concilium baptizati ad propria redierunt : Terram Sanctam iterum invifere , & adire statuit , recuperationi illius intentus , ut à Christianis liberius poffet habitari : quæ omnia probantur ex Actis ejusdem Concilii , & Historici testantur , qui de hujusmodi Concilio , & Gestis in eo fcripferunt , nempe Martinus Polonus , Ptolomæus Lucenfis , Bernardinus Guido , & alii , qui fuo loco ponentur : & demum Imperium Romanum firmavit : & primitus in Auftriacam Domum contulit , ut commemorant Ferdinan. de Caftilio Hiftor. S. Dominici part. 1. lib. 3., Alphons. Ciaccon. in Vita B. Pontificis , Gonzal. de Illefcas Hiftor. Pontific. lib. 5. Ex quibus omnibus Servi Dei perfectionem in vinculo Charitatis colligimus , cujus mens , verba , & opera , femper eò tendebant , ut Deus laudaretur , & glorificaretur : *non querentis , quæ fuæ funt , fed quæ Jefu Chrifti per effectus veri amoris , & dilectionis , quæ patiens efl , benigna efl , omnia credit , omnia fperat , omnia fuftinet* , ut Apoftol. 1. ad Corinth. 13. nobis infinuat .

De perfectiffima Charitate Servi Dei in Proximos.

Duo funt , in quibus pendet univerfa lex , & Prophetæ , dicit Dominus in Evangelio Matthæi cap. 22. *Diligere Deum fuum* , de quo jam diximus , & *Proximum fuum ficut feipfum* , & hoc etiam poftremum examinando comperimus B. Greg. obfervaffe .

Primò enim perfectiffima hæc Charitas in Proximum probatur ex immenfo defiderio , quo urebatur de falute univerforum , nulla habita exceptione perfonarum , fequendo Apoftoli dictum ad Romanos cap. 1. *Græcis , ac Barbaris , Sapientibus , & Infipientibus debitor fum* ; ut enim Deo reconciliarentur , & in Deo effent , incefſanter verbum Dei prædicabat , tam in ditione fui Archidiaconatus , quàm Parifiis , & in Terra Sancta , Pontifexque creatus in Concilio Florentiæ , & alibi , ut per auditum intraret dilectio , & per dilectionem præceptorum Dei obſervatio , juxta illud Joann. cap. 14. *qui audit verba mea libenter , ille diligit me : & qui habet mandata mea , & ſervat ea , ille eſt , qui diligit me : & cap. 15. Si præcepta mea ſervaveritis , manebitis in dilectione mea .* Quod quàm in fummo gradu præſtiterit B. Pontifex , & maximo zelo , & vigilantia continuaverit , probant hiftoria Vitæ compul-

fatæ in Placentino Processu fol. 92. & 94. Paul. Æmil. de reb. Francor. lib. 7., Marcus Guarius in Chronic., Platina & Ciacon. in Vita ejusdem B. Pontificis, & Concio ipsa ad Florentinos habita de anno 1273. quæ refertur per Sanctum Antoninum histor. part. 3. tit. 20. c. 2., & ut vitia extirparentur, suis litteris commonuit Prælatos ad Concilium accessuros, ut quinam in Provinciis, seu Diocesis suis committerentur excessus, diligenter observarent, & remedia, vel consilia, quibus illis esset occurrendum, secum asserrent, quæ maximè ad notitiam perfectæ Charitatis pertinent, ut Proximus in Deo sit, & maneat per observationem præceptorum, ut S. Doctor dicit 2. 2. quæst. 25. art. 1. & ne salutaris esca deficeret, eadem etiam Vaticana Regestæ testantur pag. 6. 16. 94. 95. quàm sollicitè & assiduè Beaus Vir premeretur, ne vidu atæ Ecclesiæ longæ vacationis dispendia paterentur, per hoc enim gratum ipsi Deo (ajebat ille) præstatur obsequium, prospero ipsarum Ecclesiarum statui providetur, & Grex Dominicus sub Pastoris providi regimine politus salubriter gubernatur.

Secundò eadem fervens Charitas probatur, quia de Proximo adeò sollicitus fuit, ut ad singulos quasi manum extendens illos curare satageret, nam ad Paleologum Græcorum Imperatorem scribens: De Nunciis pro unione ad Eum missis sic ait: Magnificentiæ tuam monemus, rogamus, & hortamur in Domino unigenitò Dei Filio Jesu Christo per suæ Crucis mysterium, & immensum Redemptionis humanæ beneficium in Charitatis visceribus obsecrantes, quatenus ipsos benignè recipiens, & ad illum respiciens salutis & pacis auctorem, qui operatus est in medio Terræ salutem, qui oriens ex alto pacem sibi acceptam, & ab omnibus acceptandam eam in ortu suo, Angelico ministerio, bonæ voluntatis hominibus nuntiavit, & inter homines conversatus verbo docuit, prædicavit exemplo, ut ad ovile Domini redeas. Et ad Cham Tartarorum Imperatorem nedùm litteras Pastorales direxit, sed magnos etiam Theologos Ordinis Prædicatorum, qui tunc in Civitate Acri commorabantur, nempe Fratrem Nicolaum de Vicentia, & Fratrem Gulielmum de Tripoli, cum facultate ordinandi Ecclesiam Dei. Placentinos autem Concives suos nedùm ex suscepti Pastoralis officii debito, sed etiam ex singulari, quem erga eos gerebat, Charitatis affectu, monuit & hortatus est ad odia deponenda, ut ex litteris in Placentino Remissoriali adductis fol. 73.

Leo-

Leodienſem etiam Episcopum de incontinentia redarguit, per litteras eum commonens, ut jam resipisceret, motus non solum ex officio, sed ex sincera charitate, quam erga Episcopum, & Ecclesiam illi commissam habebat; quæ litteræ in Vaticano Regesto ponuntur, & ab Historicis etiam recensentur, nempe à Joanne Hocſemo histor. Leodien. tom. 2. cap. 9. pag. 299. prout & de litteris, ac Nunciis, ut suprà, ad magnum Cham missis testantur Marcus Paulus Venetus de Region. Orient. lib. 1. cap. 5. & Joan. Baptista Ramus navigat. vol. 2. in princip., Vaticanaque Regesta habent fol. 115. Illum quoque Reginam Franciæ S. Ludovici relictam suis litteris admonuisse, ut intentæ considerationis oculos haberet ad Redemptorem Dominum Noſtrum Jesum Christum, & ipsum gereret in suis visceribus figuratum sua beneplacita prosequi delectaretur, & providè prospiceret, quod hujus Mundi figura præterit, quodque abierunt, & abeunt Reges, & Principes.

Tertiò argumenta Charitatis magis comprobantur ex vigilantissimo studio animos componendi ut per pacis donum gratissimum liberius Deo serviretur; Ecclesiæ namque Prælatos inter se de Jurisdictione, & temporalibus suarum Ecclesiarum juribus dissidentes composuit, Regum & Principum inimicitias sedavit, Populorumque & Provinciarum intestina odia, & factiones extirpavit.

Referunt enim Vaticana Regesta à pagina prima usque ad paginam 246. eundem B. Pontificem Archiepiscopum Toletanum, & Archiepiscopum & Provinciam Narbonensem concordasse: Toletanum pariter & Tarraconensem sedasse: Archiepiscopum Lugdunensem & Capitulum de temporalibus contententes conciliasse: Lites inter Metensem Episcopum, & Ducem Lotharingæ & Comitem Barensem terminasse.

Inter Reges autem, Henrici Regis Angliæ filios, Eduardum, & Edmundum ad fraternam dilectionem reduxit: Reges Bohemiæ, & Ungariæ dissidentes univit: Rodulpho Imperatori, & eidem Bohemiæ Regi obtulit se promptum pacem inter eos tractare: erga Paleologum Græcorum Imperatorem, & Philippum Imperatorem Constantinopolitanum, & Carolum Siciliæ Regem idem præstitit officium, & ut fœdera plenioris concordiæ firmarentur inter Regem Portugalliæ, & Prælatos illius Regni, optataque pax & concordia sequeretur, omninò voluit, & ut Viri providi, & fideles ab eo cum sufficientibus mandatis ad se ipsum mitterentur: inter

Regem, Reginamque Daciæ & eorum Prelatos pacem quoque iniit; per Regem Norvegiæ & Archiepiscopum Nidrosiensem diffensiones sustulit; ac Regem Navarræ, & Ancherum Presbyterum Cardinalem S. Praxedis, & Capitulum Trecentis Ecclesiæ S. Urbani super iuribus & proprietatibus distæ Ecclesiæ contententes in tranquilla pace posuit, Rege tunc asserente se concordiæ inclinatum precibus ipsius Sanctissimi Patris Gregorii Summi Pontificis.

Populorum denique bella, odia, & factiones dissipavit, nam Venetos, & Januenses initio serè sui Pontificatus composuit: Florentinos Guelphorum & Ghibellinorum respectivè partes festantes ad sinceram pacem reduxit, gravissimis pœnis munitam adversùs ejusdem Violatores: Aretini quoque, Perusini, & Urbevethani, jubente Beato Viro consimili vinculo colligati fuere: Placentini autem Concives sui in factionibus diù divisi, ut concordia amabilem fraternitatem firmarent, quàm maximè optavit, & summis viribus procuravit: quæ omnia, ultrà Vaticanam Testimonia, comprobant etiam Vita ejusdem manuscripta in Placentino Processu fol. 93., S. Antoninus in sua Historia part. 3. tit. 20. cap. 2., Jo. Villan. in Historia Florentina lib. 7. c. 43. Platina, Ciacconus, & alii in Vita ejusdem Pontificis.

Quartò accedunt cura exactissima, & pietas erga pauperes, nempe eleemosinarum largitiones, pedumque eorumdem pauperum quotidianæ ablutiones relatæ in ejus Vita manuscripta¹, & compulsata fol. 98. in Placentino ubi & IX. Testis super 16. Articulo deponit fol. 83., & Ptolom. in Annal. Lucen. scriptum reliquit, B. Gregorium Decimum primum fuisse, qui solemnem ordinavit eleemosinam in Romana Curia, ad quam faciendam quemdam Fratrem Conversum instituit Ordinis Prædicatorum, cui nomen Frater Joannes, quem de partibus Ultramontanis secum duxerat.

Et magis specificè Vaticana Regesta pag. 165. 181. 189. enunciant Beati Viri pietatem perfectam, & sinceram charitatem injungentis quibusdam Viris, de quorum integritate confidebat, ut mille marcas argenti à Pisani Ecclesiæ Romanæ, & sibi debitas inter diversas Pauperum species ejusdem Civitatis distribuerent, ut in multitudine miseranda omnes comprehenderet, nempe Infirmos, quos in Hospitalibus ægritudinis lectus detinebat; alios, quos

quos erubescencia, palàm mendicare non sinebat; tertia portio erogaretur pauperibus Puellis maritandis: quarta verò inter Pauperes communes distribueretur. De qua etiam singulari pietate Beati Viri, ac eleemosinis erga Pauperes in specie testantur Martin. Polon., Bernard. Guid., Platina, Ciacconus, & alii in Gregor. X., Joann. Andreas, & Gemin. in c. Ubi periculum de elect. in 6.

Quintò lachrymæ ejusdem Beati Pontificis summi amoris indicium confirmant hanc erga Proximos dilectionem & charitatem; descendebat enim ad partes Lombardiæ, & videns Provinciam illam diffidiis, & armis miserrimè agitatam flevit super eam, & spiritu infremuit vehementer, & ad cogitanda remedia, quibus mala ingruentia sopirentur, se totum dedit: quemadmodum & audita morte Sancti Ludovici Francorum Regis maximo doloreangebatur, quia & Proximorum adjutor, & Ecclesiæ defensor defecerat, ut legitur in Vita compulsa in Placentino fol. 94. & 95. Nec minori premebatur ob damnum inestimabile ab Ecclesia Dei perpeffum ex obitu Fratris Bonaventuræ Cardinalis, & Episcopi Albanensis, qui postea Sanctus declaratus est, ut ex notula Actorum Lugdunensis Concilii colligitur, relata in Tomo 4. Conciliorum Romæ impressorum anno 1628. fol. 83.

Sextò Inimicorum, & Persecutorum dilectio justificat in altiori gradu divinam hanc in Servo Dei virtutem, nam dum adhuc esset Canonicus, & Archidiaconus Leodiensis, & excessus illius Episcopi audiret, redarguit eum in Capitulo, à quo pede calcatus fuit: qua de re cum Inimici Episcopi vellent super eum irruere, ut illum occiderent, se opposuit Archidiaconus, ut in Histor. Leodien. tom. 2. cap. 7. refert Joannes Hoesfemius. Creatus exinde Pontifex de Infidelium conversione, & Perverforum reditu ad Sanctam Ecclesiam adeò gaudebat, ut non solum ad petitam misericordiam inclinaret, verum etiam exultaret in illo, qui eos revocasse dignatus fuerat ab initio, & ad viam reduxerat salutis; sic enim paratus de longinquo redeuntibus apertis occurrere brachiis in amplexum illos latenter excipiebat.

Henricum Episcopum Londoniensem, qui excommunicationem incurrerat eò quòd temporeurbationum Angliæ non publicaverat censuras à Legato latas contra Barones Regni turbatores, sed eis potius adhæserat celebrando etiam in contemptum Eccle-

Ecclesiastici Interdicti ; Episcopum Ciceſtrenſem , & Henricum electum Trevirenſem ob eaſdem cauſas cenſuris innodatos , alioſque populos aberrantes , & ad gremium Sanctæ Eccleſiæ redeuntes more pii Patris , offenſarum immemor , benignâ diſſimulatione tranſiens , remiſſis injuriis , pro filiis habuit : quæ omnia colliguntur ex eiſdem Vaticanis Regeſtis pag. 27. 28. 71. 92. 164. 182. & idem referunt Platina , & Ciaccon. in vita ejuſdem Beati Gregorii Decimi , & Sanctus Antoninus in ſua Hiſtoria part. 3. tit. 20. cap. 2.

Septimò pro coronide tantæ virtutis concurrit pietas immenſa Beati Pontificis erga Deſunctos , pro quorum animabus ita anxius , & ſollicitus fuit , ut etiam in Concilio Generali decreverit per univerſum mundum Miſſas celebrari pro Animabus eorum , qui mortui fuerant adveniendò , ſtando , vel recedendò à Concilio , ut ex Actis ejuſdem .

*De Virtutibus Cardinalibus , & primò
De Prudentia .*

Deus Charitas eſt , & qui manet in Charitate , in Deo manet , & Deus in illo : 1. Joannis 4. & ex ipſo , & per ipſum , & in ipſo ſunt omnia : ut Apoſtolus meminit ad Roman. 11. itaut qui perfectè vivit in charitate virtutes omnes morales poſſidere fatendum ſit ſecundùm veriore , de qua per Sanct. Thomam part. 2. quæſt. 65. artic. 1. & 3. in qua charitate cùm jam firmaverimus B. Pontificem maximè excelluiſſe , per quam conſequentiam admittere poſſumus inſimul cum Charitate & Prudentiam hanc à Deo divinitùs in animam Servi Dei fuiſſe inſuſam .

Verùm ſicuti Moralis eſt , & de ea agendum eſt per ſuos actus , nempe per conſultationem , electionem , & imperium ſecundùm Ariſt. lib. 6. Ethic. cap. 9. & 10. , & Sanctum Doctorem 2. 2. quæſt. 47. art. 13. dùm dicit , quod rectè conſiliatur , judicat , & præcipit , credimus Beatum Pontificem in hac etiam virtute excelluiſſe .

Nàm quod per conſultationem inveſtigaverit media ad finem optimum totius vitæ jam patet , dùm religioſam vitam à teneris annis ſibi propoſuit tamquàm medium tutiſſimum , ut indè de ſorte Domini fieret , novum hominem indueret , & Angelicam vitam

vitam incoharet, & quod per electionem magis apta ad Dei honorem & animarum salutem feligeret, probant gesta in regimine subditorum suorum in Archidiaconatu Leodiensi, quæ habentur in ejus Vita compulsata in Placentino fol. 92. & narrantur per VI. Testem super 2. fol. 69., & IX. super 17. fol. 81. in Placentino. Probant itidem missiones de persona Beati Pontificis, dum in minori statu existeret, in Angliam cum Ottobono Cardinali expedito per Clementem Quartum, ut tollerentur dissidia inter Regem illum, & Primates, prout fuerunt sublata, ut deponit in Remissoriali Placentino IX. Testis fol. 82., Vita manuscripta compulsata fol. 93., Ciaccon. in Vita ejusdem in verbo *Ottobonum Fliscum*, & accedit Legatio eidem commissa ab eodem Clemente Quarto, sive à Sacro Collegio Sede Vacante in partibus Siria, quam referunt Marc. Paul. Venet., & Joannes Bapt. Ramus locis suprà relatis, ac Jacob. Bos. in sua Histor. Equit. Hierosol. part. 1. lib. 10., S. Antonin. part. 3. tit. 20. c. 2.

Sed fundamentum summæ Prudentiæ istius B. Pontificis magis elicitur ex imperio, dirigendo voluntatem ad executionem eorum, quæ Dei gloriam, & Fidei propagationem, & Animarum salutem respiciebant, nempe ex celebratione Sacri Generalis Concilii Lugdunensis, in quo interfuerunt 500. Episcopi, 60. Abbates, & Prælati mille circiter, & vocati fuerunt Sanctus Thomas de Aquino, qui in itinere decessit, Sanctus Bonaventura, qui in ipso Concilio diem suum clausit, Beatus Albertus Magnus, & alii Sanctissimi Viri, ut inde cum saniori deliberatione consiliata, & judicata ad operandum præciperentur, quæ propriè secundum D. Thomam 2. 2. quæst. 47. art. 8. pertinent ad divinam Prudentiam; sicquæ sanctissima decreta universo Orbi saluberrima emanarunt tam respectu regiminis & gubernii, quam pro morum reformatione necessariâ, uempè forma Conclavis in posterum servanda in cap. ubi periculum de elect. in 6. ad tollendas longissimas Sedis Apostolicæ Vacationes, cum ea per triennium serè miserabiliter vacasset; Residentia habentium Curam Animarum, & Ordo Sacerdotii, & nè plures Curatæ haberentur, c. Licet Canon., cap. Nemo deinceps de elect. in 6. Prohibitio Usurarum, cap. Quamquam de usur. in 6. Declaratio, quod non valeat excommunicatio in Participantes, nisi fuerint nominatim moniti, c. Constitutionem de sentent. excommun. in 6., & alia quamplu-

ra extant decreta in 6. Decretalium registrata, quæ omnibus patent. Et in eodem Concilio finem imposuit longissimo schismate occasione Imperii tam per præceptum ab eodem Beato Pontifice Electoribus transmissum; quam per confirmationem Rodulphi ab illis electi; & Expeditionem insuper Sacri Belli in Saracenos decrevit, prout hæc omnia habentur inter Acta ejusdem Concilii in præallegat. tom. 4. Conciliorum Romæ impressorum, & ponunt etiam Historici omnes, & signanter Martinus Polonus, Ptolemæus Lucensis, Bernardus Guido, Platina, Ciacconus, & alii, in Gregorio Decimo, & de vocatione S. Thomæ & S. Bonaventuræ ad præfatum Concilium meminit Breviarium Romanum in lectioidibus de eorum Festivitate, Historiæque præfixa ipsi Concilio in tomo prædicto, & de præcepto Electoribus facto Gerard. de Rot. in Annal. Hist. Austriac., deponitque IX. Testis in Placentino super 16. fol. 82.

De Justitia.

HÆc Virtus cum soleat dividi per Aristot. 4. Ethic. cap. 2., & per S. Thomam 2. 2. quæst. 58. art. 5., & quæst. 61. art. 1., in legalem, distributivam, & commutativam; & legalis definitur ea esse, per quam omnium virtutum actus ad bonum commune ordinantur; distributivæ verò sit dirigere distributionem omnium bonorum in partes Reipublicæ; & commutativæ multos actus inter Privatos subordinare: In prima parte mirabiliter Dei servum excelluisse comperimus, quia totus fuit in communi bono ordinando, nempe in depravatorum morum correctione, pro qua ab Eo emanarunt tot leges, decreta, & constitutiones, de quibus in 6. Decretalium sub diversis titulis supra in articulo Prudentiæ narratis: similiter in divino cultu augendo, in quo zelantissimus fuit, in conversione Infidelium, & subsidio Pauperum, ita ut verè omnium esset unus Pater & Pastor, non habitâ Personarum exceptione; Nam & ad Imperatorem Græcorum misit quatuor Fratres cum litteris & formula Fidei pro firmanda & perficienda unione, ut jam in articulo de Fide diximus, & in Siriam ad Christifideles pro Terræ Sanctæ succursu subsidium transmisit, ut testantur Vaticana Regesta, Annal. Eccles. ad annum 1272. Bosius in sua Histor. Equit. Hierosol. part. 1. lib. 10.; & primus

mus fuit, qui deputavit Officiales pro eleemosynis Pauperibus Jesu Christi erogandis, ut diximus in articulo de Charitate in Proximos.

In aliis verò partibus, nempe distributivâ, & commutativâ, quæ sicuti in ratione justitiæ particularis in communi conveniunt, sic quoque conveniunt in eo, quod utraque respicit debitum aliquo modo, quatenus per eas redditur alicui, quod suum est, vel ad quod habet Jus uno modo ratione contractus, alio æqualitatis constituendæ, & in his Beatus Pontifex fuit etiam vigilantissimus. Et

Primò dùm adhuc esset in Minoribus Leodii residens in dignitate sui Archidiaconatus, Vir sanctus & justus fuit, cum ea, quæ pro jurisdictione sui tituli dirigenda erant, erga bonos & malos respectivè summa cum integritate compleverit, ut deponunt VI. Testis in Placentino super 2. fol. 69., & IX. super 16. fol. 81. & legitur in ejus Vita compulsata fol. 92. Et

Deindè Pontifex creatus, quod debitum erat Sanctæ Romanæ Ecclesiæ, subtrahi non permisit, nam à Cardinalibus Viterbii post Pontificium susceptum requisitus, ubi coronam recipere vellet, Viterbii, an Romæ? sic respondit: Scitis, Fratres Charissimi, quòd Imperator Constantinus, Mundi Monarcha, ex Imperiali Vertice Coronam deposuit, & eam ex sua munificentia contulit Beato Silvestro tunc Romano Pontifici in signum decoris Regii, & dominii temporalis, & quia istud in Urbe factum dignoscitur, suadet ratio, monet æquitas, & requirit honestas, quòd ibi ipsa Ecclesia in nostra persona, licèt indignâ, hujusmodi debeat Diademate insigniri: quæ verba ponuntur in ejus vita compulsata fol. 94. à tergo in Placentino, & referuntur per Testes in Aretino super 7. & 8. Articulis.

Postremò fuit diligentissimus defensor Jurium Ecclesiæ, nam à Carolo Rege Siciliae debitum fidelitatis juramentum pro Regno Siciliae exegit: similiter et à Rodolpho Cæsare pro Imperio, et Terræ Sanctæ succursu juramentum voluit, et à Jacobo Rege Aragoniæ tributum annuum Cameræ Apostolicæ persolvendum petiit, ut probant Ferdin. de Castillio in Histor. S. Dominici par. 1. lib. 3. cap. 39., Joan. Marian. Histor. de reb. Hispan. lib. 3. cap. 22. & alii, ac Vita in Placentino compulsata fol. 94. vers. completis, & fol. 96. vers. post hæc: & per eamdem rationem reddendi cui-

que, quod suum est, vel ad quod Jus habet, Leodiensem Episcopum, & Federicum Abbatem S. Pauli de Urbe propter excessus ab ipsis commissos compulit respectivè cedere Ecclesiæ, & Abbatiæ, ut testantur Acta Concilii Lugdunensis superiùs relata.

Quibus accedit Affabilitas, quam inter finitimas Justitiæ partes Sanct. Doctor ponit 2. 2. quæst. 80. & partem Justitiæ potentialem appellat, quæ in Beato Pontifice fuit emiuentissima, ex quo per eam à S. Ludovico Rege fuit semper humanissimè in minoribus receptus, ut habetur in ejus Vita manuscripta, & apud Ciacconum in Gregorio Decimo, deponuntque Testes in dicto Placentino Processu V. super 4. fol. 66. VI. super 2. fol. 69., VII. super 26. fol. 75., & IX. super eodem 26. fol. 84. & alios Reges & Principes ad se alliciebat, quos inter se dissidentes in pace firmissima conciliavit, & ad veritatem Fidei reduxit, ut diximus in articulo de Charitate in Proximos versic. secundo eadem.

De Fortitudine eximia.

Est hæc virtus in ordine inter Cardinales tertia secundùm S. Thomam 2. 2. quæst. 123., & ab eodem dicitur esse audaciæ moderatrix, & timoris expers, in qua Beatus Pontifex mirabiliter se gessit aggrediendo ardua cum summa fiducia, & magnanimitate, & ea sustinendo cum perfectâ patientia & perseverantia.

Nam quàm ardua aggressus fuerit, & magna cum fiducia, ac magnanimitate compleverit, eadem Vaticana Regesta à pag. 52. usque ad pag. 246. testantur. Actaque Concilii in præallegato 4. Tomo Conciliorum commemorant, S. Antonin. Archiepisc. Florent. histor. part. 3. tit. 20. cap. 2. Joan. Magnus Gotheus Upsalæn. Archiepiscopus de Vitis Pontificum Upsalæn. lib. 3., & ponuntur multa per Joannem Marianam de rebus Hispan. lib. 13. cap. 22.

Nempè Jacobo Aragoniæ Regi cum adeò libidini intentus esset, ut uxorem Vassalli sui abduxisset, cum eaque consuetudinem haberet, præcepit, ut adulteram dimitteret, eoque negligente mandavit, ut si antè octavum diem, postquàm litteras accepisset, eam non dimisisset, ut Viro suo reconciliaretur, Archiepiscopus

scopus Tarraconensis, & Episcopus Dertusensis in eum Anathema distringerent, & locum, ad quem ille, vel illa adultera divertisset, Ecclesiastico Interdicto supponerent.

Alphonsum Lusitanæ Regem, qui Bracharensē, Conimbricensē, Visensē, & Lamecensē Ecclesias possessionibus & redditibus exuerat, nonnullaque alia indignè commiserat, Beatus Pontifex redarguit usquē dum à violandis personis, & rebus Ecclesiasticis abstinere; tūm injuriarum ac damnorum nomine iis, quos affecerat, satisficeret, severiùs admonuit; quod si contemneret, Priori Cuenobii Ulyssiponensis Ordinis Prædicatorum, & Custodi atquē Guardiano Ordinis Minorum, & Censuras Ecclesiasticas in eum promulgarent, & Sacra omnia Regno Portugallæ interdicerent, omninò mandavit.

Alphonsum alterum Castellæ Regem, qui & se inscribere Romanorum Regem, & Imperiali sigillo uti audebat, simili modo absternuit litteris ad Archiepiscopum Hispalensem datis.

Carolus Siciliæ Regem, ne Jura Beneventanæ Ecclesiæ usurparet, prohibuit per litteras Anagnino Præsuli, ac Decano Antiocheno directas.

Ottocarum Bohemiæ Regem redarguit, quòd in ipsum Papam commotus per litteras significasset se nolle illius sententiæ super negotio Imperii Romani acquiescere.

Magnum etiam Norvegiæ Regem, ne ampliùs Ecclesiis in contemptum Ecclesiasticæ libertatis gravamina imponeret, continuit per litteras ad Archiepiscopum Nidriosiensem.

Philippum Galliæ Regem, ut Comitatum Venaissinum Ecclesiæ Romanæ ab Alphonso Comite Piætavæ ejus Patruo raptum, & eidem Philippo Regi ex testamento relictum, restitueret, commonuit per Nuntium Guilelmum Matisconensem Apostolicum Cappellanum, ac Generalem Causarum Sacri Palatii Auditorem; quo audito Rex non modò ea, quæ injusto titulo possidebat, ex integro restituit, verum etiam postulanti Pontifici auxilia pro Terræ Sanctæ recuperatione promisit, & submisit ex variis litteris subindè datis.

Electores Imperii Romani diù vacantis uti electionem differrentibus præcepit, Ecclesiasticis quidem sub pœna privationis Officii, & Sæcularibus sub pœna Excommunicationis, ut, omni cunctatione postposita, Ecclesiæ Advocatum darent, nempe

Imperatorem, comminando insuper, quod aliàs hæc ipse faceret; & illi mandatis paruerunt, quia non multò post, habito inter eos tractatu, in Regem Romanorum elegerunt Rodolphum Comitem de Hauspurg.

Rodolphum postea ab eis electum, & ab ipso Pontifice confirmatum, nisi præstituto tempore in Italiam advenisset cum Germanico Exercitu pro Sacro bello in Saracenos agendo, & in Urbe se præsentasset pro Corona Imperiali suscipiendâ, cettiorum fecit se illum & Excommunicatione & Imperii privatione multaturum.

Stephanum Ungariæ, & Ottacarum Bohemiæ Reges inter se contententes cum Beatus Pontifex invicem conciliasset, & pacis fœdera inter illos firmasset, Archiepiscopis Pragensi, & Strigoniensi, ac Episcopis Olomucensi et Vacienti in mandatis dedit, ut pacem hujusmodi sub censuris et pœnis ab omnibus inviolabiliter observari facerent.

Ugonem Cypri Regem Coronam Regni Hierosolymitani in præjudicium Mariæ natæ olim Isabelle Magnæ Hierosolymitanæ Reginæ affectantem peremptoriè, ut se Apostolico conspectui præsentaret, citari mandavit ex litteris ad Archiepiscopum Nazarethum datis.

Valdemarum Suetiæ Regem Libertatis Ecclesiasticæ, et Pontificiæ Auctoritatis contemptorem, jam miserabile mancipium omnium enormium flagitiorum effectum, per suos Legatos Regiâ Auctoritate privavit, in ejusque locum Ladislaum Magnum ipsius fratrem prudentiâ, justitiâ, et æquitate, pietateque longè insigniorem suffecit.

Henricum Daciæ, seu Danorum, et Sclavorum Regem ob Archiepiscopi Lundensis, aliorumque Prelatorum ab illorum sedibus ejectionem, et bonorum Ecclesiasticorum privationem, per Apostolicæ Sedis Legatum Excommunicatione percussum approbavit, et in se postmodum reversum à censuris, integra libertate Ecclesiæ præservata, absolvit.

Contra Paleologum Græcorum Imperatorem tam pro Unitate Fidei, quàm pro defensione Primatus Ecclesiæ Romanæ viriliter institit, ac instanter sollicitavit, et tandem, Deo dante, quod humilibus precibus, et continuis lachrymis exposcebat, feliciter obtinuit.

Duci

Duci Venetorum per Apostolica scripta feriò præcepit, ne fineret per aliquos Venetos arma, ferrum, lignamina, Naves Saracenis deferri, vel aliter quoquo modo illis auxilium impendi.

Ducem Brabantie Ecclesie Leodiensis libertatem turbantem, et Homines Ville Sancti Trudonis multipliciter vexantem, tempore præsertim Concilii, quo Episcopus Leodiensis aberat, increpuit acerrimè, ut ab omni molestia in bonis et juribus dicte Ecclesie, et potissimum respectu Ville Sancti Trudonis se abstineret.

Ducem Lotharingie, et Comitem Barensem, qui L. Episcopum Metensem defensionem Terræ Metensis Ecclesie insistentem violenter invaserat, et Carceri mancipaverat, in pristinam libertatem ut eum restituerent, coegit, recepta ulterius ab eis promissione, et obligatione de Apostolico mandato super præmissis observando.

Ducibus quoque, ac Regibus, et Imperatoribus, sub pœna Excommunicationis ipso facto incurrendæ præcepit, ne Guidonem de Monforti, qui Henricum de Alemannia Viterbii in Ecclesia occiderat, aliqua modo reciperent, aut recipi permitterent.

Januenses, et Florentinos, Pisanos, Bergomenses, Papienses, Urbinates, et alios pacis Violatores, Libertatis Ecclesie turbatores, aut aliàs contumaces Censuris distrixit, et Civitates eorum Interdicto supposuit.

Ex quibus divina hæc virtus quàm perfectè fuerit in Servo Dei facile dignosci potest, cum per eam Majestate superbos teruerit, et perversorum iniquitates irruperit, constantiæ suæ ac magnanimitatis immensam à Deo reportans remunerationem.

Verùm et ex aliis hæc virtus non minus in Servo Dei eluxit, per patientiam nempe, ac sufferentiam, et perseverantiam in adversis, ut inter easdem paginas Vaticani Regesti commemoratur adeo, ut quò magis se offerrent labores, itinera, peregrinationes, pericula, egritudines, eò fortior et robustior redderetur.

Labores immensos sustinuisse illum, facile probant gesta in eodem Concilio Lugdunensi, nempe morum reformationes, decreta, Constitutiones pro Ecclesia, et ejus libertate sublevanda, Conciones item ad Reges, et Principes excitandos ad sacram militiam suscipiendam contra Saracenos, et Infideles, et demùm cum

cum præclaro sanætitatis ipsius Elogio litteræ Innocentii Quinti ejus in Pontificatu Successoris (de quibus in Codice Vaticano Marini de Ebulo pag. 47.)

Itinera verò, et peregrinationes probantur ex legationibus per eum in minori statu initis cum Cardinale Jacobo in Galliam, et Germaniam; et cum Cardinale Ottobono in Angliam, cum quibus associatus in parte sollicitudinis fuit: Vita manuscripta in Placentino fol. 91. et 93. et IX. Testis in eodem Processu super 16. fol. 81. et 82., Ciaccon. in Gregorio Nono et Decimo, et Mattheus Westmonasteriensis in Floribus Historiarum ad annum 1267., et Pontifex creatus Florentiam profectus est, ut Cives illos ad concordiam reduceret: S. Antoninus histor. par. 3. tit. 20. cap. 2., Joannes Villanus, Platina, Ciacconus, et alii in Gregorio Decimo.

Nec pericula ingentia defuerunt, quæ ipse, veluti Fortitudinis inexpugnabilibus armis accinctus, nequaquam extimuit, quia post mortem S. Ludovici de Brundusio discedens, intrepidus transivit ad Terram Sanctam Palestinam, ut Christifideles opera et consilio adjuvaret, spretis omnino maris periculis, quod refert Auctor vitæ manuscriptæ in Placentino fol. 94. et deponit IX. Testis in eodem super 16. fol. 82. nec non Mattheus Westmonasteriensis loco supra citato, et Jacobus Zenus in Gregorio Decimo: et creatus Pontifex non pertimuit eadem maris et itinerum pericula, præcipuè in reditu tam ex Terra Sancta tempore hyemali, quam ex Lugdunensi Concilio transiens per discrimina montium Galliæ et Tusciæ in spiritu Fortitudinis, ac zelo, et amore suæ Ecclesiæ, ut narrant idem Auctor vitæ manuscriptæ eodem fol. 94. et fol. 96., Chronic. Man. in eodem Placentino compulsatæ fol. 100. Bernardus Guido, Onuphrius Panvinus addition. ad Platinam et alii in Gregorio Decimo, necnon litteræ ejusdem Gregorii ad Paleologum Græcorum Imperatorem in Vaticano Regeſto pag. 58. num. 37.

Denique egritudines fuerunt Beato Pontifici comites, et eas recenset ipsemet Beatus Vir in litteris tam Regi, quam Reginæ Angliæ directis, et in processu habito in die Cænæ Domini anno 1272., et in alio Lugduni anno 1273. respectivè publicatis, nam Urbeveteri, Bononiæ, Lugduni, et demùm Aretii ob labores in senili ætate perpeſſos gravissimis febribus tentus fuit, sed nusquam

ab

ab opere abstractus Dei Ecclesiam regendi, cujus Pontifex factus fuerat & Rector. Quod etiam disertis verbis testatus est idem Innocentius Quintus tanquam ocularis testis in prænarratis literis ad Reges & Prælatos transmissis statim sequuto obitu ipsius Gregorii.

De Temperantia admirabili.

Cardinalium Virtutum hæc est postrema, quam Aristot. 3. Ethic. appellat Mediocritatem circa tactus, gustusque voluptates: & S. Doctor 2. 2. quæst. 141. art. 1. illam dicit moderationem, seu temperiem, quam ratio facit: & hanc moderationem & temperiem in excellenti gradu fuisse in Beato Pontifice ex probatis comperimus;

Fuit enim hic Dei Servus temporalium rerum maximus contemptor, quod cum pertineat ad abstinenciam, inter partes subjectivas Temperantiæ ponitur ab eodem Sancto Doctore dicta quæst. 141. art. 1., et hanc esse veram spiritus paupertatem definiunt D. Ambros. Homil. lib. 5. in Lucam cap. 6., et D. Hieronymus in Matthæum cap. 5. relati ab eodem S. Doctore 2. 2. qu. 19. art. 12. Nam cogitante Innocentio Quarto de removendo Episcopo Placentino, uti minus canonicè instituto, Theobaldo huic (tunc Archidiacono) liberalissimè Ecclesiam illam obtulit; sed ipse recipere noluit, ut ex vita ejusdem compulsata fol. 92., & etiam refert Ciacconus in Gregorio Decimo. Verùm eandem abstinenciam magis practicasse dignoscitur in confirmatione electionis Rodulphi Regis, in qua reprobatis Nunciis Regis Hispaniæ, & Regis Bohemiæ ad Imperium Romanum enixè aspirantium, sprevit munera ipsius Ottocari Bohemiæ Regis, ut scribit Siffridus Presbyter in sua Epit. lib. 2., et eandem abstinenciam virtutem fuisse peculiarem in Beato Pontifice, ut ab omni munere manus suas excuteret, auroque, aut argento non inhiaret, humanaque omnia contemneret, narrant vita compulsata fol. 98., Jacobus Zenus Episcopus Patavinus, Platina, Ciacconus, & alii in Gregorio Decimo, Testis in Remissoriali Placentino IX. super 16. fol. 90., & Joan. Andreas in cap. ubi periculum de elect. in 6. Ac denique quàm summè hanc virtutem coluerit, particulari etiam Constitutione declaravit in c. Exigit perverforum audacia de

de Cens. in 6., et Decreto idem speciali, quo Familiaribus et Domesticis suis eandem munerum receptionem vetuit ex prædicta Vita compulsata eodem fol. 98.

Præterea et severius adhuc hanc virtutem observavit in se ipso, nam singularis quidem est virtus Temperantiæ in abstinendo, sed illa, quæ subtrahit, tantò erit perfectior, quantò magis de convenienti subtrahit: D. Thom. 2. 2. quæst. 146. 147. et 149.

Erat enim parcissimus in loquendo, ut non nisi ædificationis gratiâ, & sale discretionis condita ab eo verba proferrentur, sermoque ejus esset viri perfecti in verbo non offendentis. Eadem quoque abstinentia utebatur in subtrahendo se à cibo, & potu, unica tenuique comestione in die contentus, et quidem ab omni sensus delectatione abstracta, dum per Sacræ Scripturæ lectionem in mensa divinæ meditationi intentus tantummodò gustaret, quàm suavis sit Dominus, & quàm dulcia essent verba Domini faucibus suis, naturalis delectationis tunc oblitus, ut ipse propterea astantibus sæpè referre soleret, se nescire quid in ea comestione tunc sumpsisset, quod legitur in ejus vita compulsata in Placentino fol. 98., et idem deponunt III. Testis super 18. fol. 62., et IX. super 16. fol. 83. in dicto Remissoriali Placentino, et alii in Aretino super 15. Articulo.

De purissima Castitate Beati Pontificis.

Castitatem esse partem subjectivam Temperantiæ ponit Sanctus Thom. 2. 2. quæst. 143. art. 1. adedque Jesu Christo gratam, ut illius candore delectetur, et à Deo Omnipotenti hac etiam Virtute Beatum Pontificem fuisse ornatum faciliè ex sequentibus probari potest.

De ea enim deponunt octo Testes in Remissoriali Aretino super primo et sequentibus Articulis usque ad 23., dum respondendo dicunt, se credere etiam contenta in Articulo 16. esse veram ex publica voce et fama, quàm ex historiis, ad quas se referunt, et Testes in Remissoriali Placentiuo nempe VI. super 2. fol. 69., VII. super 15. fol. 74., IX. super 26. fol. 84. affirmantes Beatum Virum speculum honestatis fuisse, et quòd nunquam, ut creditur, criminis contagione pollutus fuerit, et in vita ejusdem compulsata fol. 91. dicitur, quòd ab Infantia vitam ita instituit
ab

ab omni immunditia liberam, ut in ejus Juventutis flore ob hanc singularem vitę munditiam ceteris norma, et speculum honestatis esset: et fol. 98. subditur: in carne quoque sua servavit munditiam, nullā unquam, ut creditur, criminis contagione pollutam.

Quod etiam videtur ex circumstantiis summę honestatis, et modestię, ac prædicationis Verbi Dei convinci, nedum aliis hanc virtutem prædicaret, ipse reprobis efficeretur, et ex morum correctione contra Reges, et Ecclesiasticos simili immunditia notatos, de qua diximus in Articulo de Fortitudine. Unde facile colligi potest, quo odio oderat crimen hoc, per quod anima separatur à Charitate Christi.

Quam Castitatis, et Virginitatis probationem Dominus Noster dignatus est etiam manifestis inditiis comprobare, ex mirabili illius Corporis Integritate, et In corruptione per annos tercentum et ampliùs conservata, de qua deponunt octo Testes in Aretino Remissoriali super 24. Articulo: et quamvis non ita integrum ejus Corpus à paucis annis videatur (quod fortè propter frequentem Fidelium ad ejus sepulchrum accessum, et luminum intus positorum calorem, Coronarumque contactum contingere potuit) hoc tamen minimè tollit præmia puritati corporis istius Beati Pontificis correspondentia, quia nisi adsit aliquid prohibens, sicut homo non potest evadere mortem, ita nec putrefactionem, nec corruptionem, ut notat S. Thom. super 3. sent. distinct. 21. art. 2. ad 4., et ad comprobendam Sanctę Therese virginitatem fuit hæc corporis In corruptio simili modo ponderata in ejus Relatione in Articulo de purissima Castitate.

De profundissima Humilitate Beati Pontificis.

D *Iscte à me quia mitis sum & humilis corde*, dicit Dominus Noster in Evangelio Matthei cap. 11., quia per hanc sanctam virtutem vere animus firmatur, ne inordinate extollatur ad sensibilem concupiscentiam, ut explicat S. Thom. 2. 2. quæst. 161. art. 1. et 4., in qua quantum Beatus Pontifex profecerit, sequentia demonstrant.

Ore enim proprio solebat sui ipsius dissidentiam, indignitatem, et insufficientiam fateri, ut probant ejus vita compulsata

fol. 94. à tergo; et litterę ab eodem Beatō Pontifice directę ad Patriarcham Hierosolymitanum de Anno 1272. in Regesto Vaticano sequendo responsa B. Joannis Baptiste in Evangelio Joannis cap. 1. *non sum, non sum, sum vox clamantis in deserto*, & Apostol. ad Philippen. cap. 2. *in humilitate superiores ad invicem arbitantes*, & Prophetam in Psalm. 21. *Sum vermis, & non homo, opprobrium hominum, & abjectio plebis*.

Ex eadem humili cogitatione, & sui ipsius dissidentia Ecclesiam Placentinam ab Innocentio Quarto sibi oblatam recusavit, & eadem ratione electioni in Summum Pontificem restitisset, nisi majori virtute victus, zelo scilicet reparandę calamitatis Ecclesię Dei triennid vacantis commotus fuisset, ut litterę ejusdem Beati Pontificis testantur ad Păleologum Gręcorum Imperatorem, & ad Patriarcham Hierosolymitanum, nec non Archiepiscopum Senonensem; & eorum respectivę suffraganeos, de quibus in Vaticano Regesto pag. 138. & 121.

Et agnoscens eandem infirmitatem in se ipso; cum esset Summus Pontifex, quę in aliis esse posset, sequendo Apostol. ad Hębr. cap. 5. seipsum Deo, & aliorum orationibus commendabat, quę proprię ad agnitionem virium deficientium pertinent, & humilitatem indicant, ut in Psalm. 25. 37. & 101. Rex David pręnuntiatur.

Ex formam Servi accipiens Pauperibus Jesu Christi ministrabat, & pedes eorundem quotidie propriis manibus abluebat, ut virę ejus compulsatę commemorat fol. 98. in cujus operis exercitio hac virtus maxime elucebat, cum fuerit ad eodem Domino Nostro cępta, & pręcepta in Evangelio Joannis c. 13. *Scitis quid fecerim vobis?*

De Sanctitate Beati Pontificis in genere.

Probationem hanc genericam nonnisi ex pluribus argumentis impleri posse eo modo, quo ad probandam samam, reputationem, nobilitatem, virtutem, & similia voluerunt Bald. in l. providendum C. de postul. & in leg. 1. C. de dignit. num. 97., Guidopap. decis. 88., Covarruv. lib. 1. var. resol. c. 16. num. 10. quippe quę pendeat ab opinione hominum, quę ex diversis soleat colligi, quod etiam ponderarunt majores nostri in Relationibus

nibus Sanctorum Hyacinthi, Raymundi, Isidori, Theresiæ ; & B. Juliani.

Inter alia autem argumenta cum Virtutes ipsæ Theologicæ ; & Cardinales, primum obtineant locum, quandoquidem illæ necessariò probandæ sint, non minus, quàm Miracula in canonizando Dei Servos c. 1. de reliq. & venerat. Sanctor. Glos. communiter approbata in cap. 1. in verb. Sedi Apostolicæ eod. tit. in 6. ubi Hostiens. num. 5., Joan. Andr. num. 4., Archidiac. num. 5., Bellam. in cap. Venerabilis num. 2. de Testib., Troil. Malvet. in tract. de Canonizat. Sanctor. dub. 3. num. 11. & 73., Castill. eod. tract. quæst. 4. principal. ; & quæst. 5. vers. quinto, necessarium esse, Cassan. in Cathalog. glor. mund. part. 3. consid. 50., Mascard. de probat. conclus. 262. num. 2., Panvin. in Relat. S. Bonaventuræ part. 1. art. 8. & 9., & idem fuit dictum in relatione S. Reginæ Elisabeth in princ.

Primum argumentum desumimus ex probatione Virtutum hujus Beati Pontificis, quas in summo gradu existere suprà deduximus, & per quas viri famâ boni à cæteris in veneratione habentur, quippe qui considerantur in multis laboribus, & vigiliis, in moribus castis, in strenuis actibus : c. miramur 61. distinct. cap. quatuor 12. quæst. 2.

Secundum est fama communis, reputatio, & vox populi, & quidem Catholici, Sanctos venerantis, quæ moveri non potuit humano affectu, vel cupiditate lucri temporalis, sed solo pietatis, & divini amoris desiderio acclamantis per continuata tempora à die obitus istius Beati Pontificis, qui contigit die 10. mensis Januarii 1276. ipsum ab omnibus communiter habitum, & reputatum fuisse pro Beato, & Sancto, & quòd populus cum magna devotione intercessioni illius se commendat : ita Testes in Remissoriali Aretino ad 5. Interrogatorium, & super 26. Artículo concludenter deponunt, nempe I. fol. 364. II. fol. 48., III. fol. 49., IV. fol. 54., V. fol. 62., VI. fol. 70., VII. fol. 76., VIII. fol. 87., IX. fol. 91., X. fol. 96., XI. fol. 99., XII. fol. 102., XIII. fol. 106., XV. fol. 111., & XVI. fol. 113. & in Remissoriali Placentino decem Testes idem confirmant super 26. Artículo I. fol. 56., II. fol. 58., III. fol. 61., IV. fol. 64., V. fol. 65., VI. fol. 69., VII. fol. 71., VIII. fol. 79., IX. fol. 80., X. fol. 89. quam probationem, cum versetur in antiquissimis, nempe suprà annos

350. à die obitus Beati Pontificis, visum fuit hîc firmare esse plenam, & concludentem in materia Canonizationis, prout & illam, quæ deducitur per historias antiquas, & approbatas; ut propterea cum contigerit super eisdem probationibus firmare factum miraculorum, de veritate istarum conclusionum hæsitandum non sit; Hanc igitur conclusionem, quod gesta antiqua probentur per Testes deponentes de publica voce & fama, firmarunt Innoc. in c. Veniens num. 6. vers. & non mireris de verb. signific., Bald. in l. insuper num. 2. C. de rei vendic., & in l. proprietatis num. 4. C. de probat., Abb. in c. inter dilectos num. 6. de Fid. Instrum., latè Fælin. in cap. Veniens num. 16. de testib., & in cap. Cum causam num. 9. vers. Sed dicas de probat., Marsil. in rubr. C. eod. num. 214.; Roman. Conf. 109. vers. aut enim, Alex. in l. Rem, quæ nobis num. 18. ff. de acquir. possess., Gabr. qui plures refert Concl. 1. num. 84. de præscript., latissimè Mascard. de probat. conclus. 752. num. 7. & sequen., Bellamer. decis. 70., Cassador. decis. 2. de probat., Caputaquen. decis. 344. num. 3., & 347. num. 4. part. 3., Seraphin. decis. 449. num. 3., Put. decis. 62. num. 2. lib. 2. in correct. Et quod Historiæ & Chronicæ similiter probent, & illis sit standum, dixerunt gloss. in c. inter dilectos §. Sed. contrà in verbo magis &c. & ibi Burr. & Abb. num. 17. in fine de fid. instrum. gloss. in c. Cum causam in verbis per libros antiquos, ubi Doctores communiter de probat., Specul. §. videndum vers. non per libros &c. de probat., Geminian. in cap. placuit num. 2. dist. 16. & in c. 1. num. 2. notabil. distinct. 27., & in c. absit num. 2. distinct. 50., Præpos. in prohem. decret. in princ., Fælin. in cap. 2. in fine vers. & dicit de rescript., Bart. in l. prima num. 22., Jaf. num. 25., Dec. num. 76., Rip. num. 72. & 74. ff. Si cert. petat., Bald. in l. 1. num. 2. ff. de offic. Questor., Marsil. in rubr. C. eod. tit. num. 213., Paris. conf. 1. num. 50. libr. 1., Collegium Paduan. post Conf. Zabarell. conf. 2. num. 53., Bellam. decis. 70. num. 2. Soccia. in regul. 21. in litter. l. incipit libri, seu scripturæ in 2. fallentia, Menoch. conf. 378. num. 8., Mascard. de probat. conclus. 287. per tot., Gratian. discept. forens. c. 893. num. 7., Castell. in tractat. de Canonizat. Sanctor. quæst. 7. vers. quero, an in Canonizatione Sanctorum: quorum dicta procedunt etiam si Chronicæ, vel libro historiali non reperiatur inscriptum nomen Authoris, Paavin. in Relatione S. Bonaventuræ fol. 20.

fol. 20. vers. ad octavum, quem sequitur Felin. in dictis c. 2. in fine de rescript., & prædictas conclusiones majores nostri sequuti sunt in Relationibus Sanctorum Bonaventuræ, Francisci de Paula, Homoboni, Hyacinthi, Raymundi, Franciscæ Romanæ, Theresiæ, Francisci Xaverii, Isidori, & novissimè in relatione Sanctæ Reginæ Elisabeth in Articulo de Sanctitate Vitæ in genere: ex quibus credimus de illis in præsentī non posse dubitari.

Tertium deducitur argumentum ex historiis, & Scriptoribus, qui ab obitu ejusdem emanarunt, ex quibus faciliè probatur, quod hæc sanctitatis fama non se continuit in Placentino, aut Aretino Populo tantum, sed per Orbem universum diffusa continuat, dum ex omni ferè Natione scripserunt de Virtutibus, gestis, & Sanctitate hujus Beati Pontificis, nempe Itali, Hispani, Galli, Germani, Poloni, Flandri, Angli, Britanni, & alii, quos placet seriatim hic secundum Nationes referre pro gloria hujus Sanctissimi Viri, & Ecclesiæ Dei, qui mirabilis est in Sanctis suis.

Ex Italis Scriptoribus.

Sacri Collegii S. R. E. Cardinalium litteræ ad ipsum Gregorium Decimum, tunc Thealdum Leodiensem Archidiaconum pro ejus electione ad Pontificem datæ anno 1271. Septembri mense ex Regesto Vaticano Marini de Ebulo pag. 45.

Marcus Paulus Venetus de Region. Oriental. lib. 1. cap. 5.

Ptolomeus de Luca ex Ordine Fratrum Prædicatorum Episcopus Torcellensis et Bibliothecæ Vaticanæ Præfectus in Vitis Pontificum in Gregorio X.

Idem Author etiam in Annalibus Lucensibus.

Ricobaldus Ferrariensis in sua Historia.

Ricordanus Malaspina in Historia Florentina cap. 196. & sequent.

Joannis Papæ XXII. Litteræ ad Archiepiscopum Pisarum, & Episcopum Mutinensem pro ejusdem Gregorii Decimi Canonizatione instituenda 6. Idus Maii anno 9. Pontificatus datæ ex Regesto Vaticano.

Codex Statutorum Civitatis Aretii anno 1327. conditorum lib. 2. in stat. num. 42. & 48.

Joannes

Joannes Andreas & Geminianus in c. Ubi periculum de election. in 6.

Andreas Dandalus Dux Venetiarum in suo Chronico.

Franciscus Petrarcha in Vitis Pontificum in Gregorio X.

Nicolaus Polistorus in suo Chronico.

Joannes Villanus Historia Florentina lib. 7.

Bartholomæus Pisanus Ordinis Fratrum Minorum lib. 1. conformit. S. Francisci fructu 8.

Flavius Blondus Foroliviensis Decad. 2. lib. 8., & etiam lib. de Regione Lombardiæ, ubi de Placentia.

Leonardus Aretinus Historiæ lib. 3:

Sanctus Antoninus Archiepiscopus Florentinus Hist. part. 3. tit. 2. cap. 2. ponens formalia verba: fuit autem Vir optimus, & proculdubio Sanctissimus, ingentis animi quidem contra Christiani Nominis Inimicos: & quoad illius sepulchrum addidit: sepultus est Aretii summa cum veneratione, multaque circa illius Corpus Miracula postmodum subsequuta fidem ejus Sanctitatis indubiam præbuere.

Jacobus Zenus Episcopus Patavinus, & Bibliothecarius Vaticanus in Vitis Pontificum.

Baptista Platina in Gregorio Decimo.

Joannes Franciscus Panvinus Sacræ Rotæ Auditor in relatione S. Bonaventuræ part. 1. art. 4., & part. 2. art. 7.

Joannes Philippus de Lignamine Messanenensis in Chronic.

Robertus Lichtenensis Ordinis Minorum Episcopus Aquinas in Sermone de S. Bonaventura.

Marcus Antonius Coccius Sabellicus Ænead. 9. lib. 7.

Podius Floren. in Historia Florentina.

Marian. Floren. Ordinis Minorum Chronic. lib. 3. cap. 1.

Raphael Volaterranus Comment. lib. 22.

Paulus Inzerianus Histor. Genuen.

Joannes Stella Venerus in Vitis Pontificum.

Thomas Radinus Todiscus Placentinus Ordinis Prædicatorum Sacri Palatii Magister in Syderali Abyssso c. 49.

Paulus Æmilii Veronenensis de rebus Francorum lib. 7.

Alexander Geraldinus Episcopus Civitatis S. Domnini in Vitis Pontificum.

Polidorus Virgilius Urbinas Historia Anglicana.

Bernard-

(XXXIX)

Bernardinus Franciscus Cipellarius Buxetanus in Panegirico
S. Antonini Martyr. lib. 3.

Hieronymus Perbonus Marchio Incisæ, & Oviliarum Domi-
nus lib. 2. Oviliarum pag. 30.

Augustinus Justinianus Genuensis Episcopus Nebiensis Hi-
stor. lib. 3.

Marcus Geratius in Chronic.

Bartholomæus Bagarottus Placentinus in Chronic. Placentin.

Joannes Hieronymus Albanus (postea Cardinalis) in libro
de Cardinalatu ad Paulum Tertium.

Rolandus Malavolta Histor. Senen. part. 2. lib. 3.

Joannes Baptista Ramusius Navigat. vol. 2. in princip.

Ciprianus Manentus Historia Urbevetana.

Honuphrius Panvinus Veronensis Ordinis Eremitarum
S. Augustini in Epitome Romanorum Pontificum, & etiam in
Notis ad Platinam.

Joannes Tarcagnotta Histor. Univers.

Umbertus Locatus Episcopus Balneoregiensis de Origin.
Placent. pag. 181.

Simon Majolus Episcopus Vulturariensis in Epistola ad Pium
Quintum, & etiam in alia ad Pium Lestorem, & in Notis Com-
mentariorum in Concilium Lugdunense ipsius Beati Gregorii, &
in libro quoque de Sacris Imaginibus cent. 13. cae. 15.

Gaspard Bugatus Mediolanensis Histor. Univers.

Carolus Sigonius Mutinensis de Regno Italiæ lib. 20.

Franciscus Sanfovinus in Chronic. Univers. part. 2.

Petrus Pizarius Sentinas in Annal. Genuens.

Joannes Baptista Pegna Histor. de Principibus Estensibus
libr. 3.

Pompejus Pellinus Histor. Perus. part. 1. lib. 4.

Angelus Constantii Histor. Neapolit.

Helias Capreolus Histor. Brixien.

Petrus Rodolphus Tossinianensis Ordinis Minor. Episcopus
Venusinus Histor. Seraph. lib. 1.

Gregorius Lombardellus Ordinis Prædicatorum in Vita
B. Franchi Senensis cap. 7.

Antonius Cicarellus Sacræ Theologiæ Doctor in Vitis
Pontificum.

Fran-

Franciscus Gonzaga Ordinis Minorum Episcopus Mantuæ
Histor. Seraphicæ Religionis.

Murius Panza in sua Bibliotheca Vaticana part. 2. disc. 12.

Joannes Petrus Massæus Bergomensis Societatis Jesu in Vita
S. Thomæ Aquinatis.

Joannes Petrus Stupanus Sacræ Theologiæ Doctor in Com-
pend. Instit. Pontific.

Thomas Costa Neapolitanus in Epitome Vit. Pontific.

Jacobus Bosius Eques Histor. Relig. Equitum Hierosolymit.
part. 1. lib. 10.

Cherubinus Gerardatus Ordinis Eremitarum S. Augustini
Histor. Bononiens. lib. 7.

Hieronymus Menghus Ordin. Minorum in Thesaur. Celest.
Mariæ Virginis lib. 2. cap. 24. & sequent.

Gregorius Polidorus Pistoriensis Ordinis Eremitarum S. Au-
gustini in suo Gregoriano.

Scipio Ammiratus Florentinus Histor. Florent.

Joannes Nicolaus Dolionus in Comp. Historic. par. 3.

Gaspar Sillingardus Episcopus Mutinensis in Cathalogo
Episcoporum Mutinensium.

Bartholomæus Dionysius de Fano Hist. part. 2. cap. 153.
& sequent.

Joannes Baptista Signius Canonicus Regularis S. Salvatoris
de Ordin. & Statu Canonico lib. 1. cap. 14.

Marinus Sanutus Patritius Venetus Histor. Orient. tom. 2.
lib. 3. cap. 13.

Hypolitius Donesmundus Ordinis Minorum Hist. Eccles.
Mantuæ part. 1. lib. 4.

Historia præfixa Concilio Lugdunensi secundo tom. 4. Con-
ciliorum edita Romæ anno 1612.

Antonius Possëvinus Junior Philosoph. & Medicus Mantua-
nus Histor. Gonzag. lib. 2.

Arcangelus Gianus Florentinus in Annal. Ordinis Servorum
par. 1. lib. 4. cap. 3.

Franciscus Longus à Coriolano Ordinis Minorum Cappuc-
cin. in Breviario Chronologico.

Philippus Ferrarius Ordinis Servorum in Cathalogo
Sanctorum.

Bassia-

(XLI)

Bassianus Gattus Placentinus Monachus S. Hieronymi Erem.
in Poemate Matris Dei lament. 5. num. 50., & etiam in Indice
littera G. Bononiæ impresso.

Pandolphus Ricafolus Canonicus Florentinus in Vita B. Phi-
lippi Benitii lib. 2. c. 12.

Nicolaus Baccetius Florentinus ex Ordine Cisterciens. Abb.
Histor. Septimian. lib. 7.

Ex Hispanis Scriptoribus.

Fr. Nicolaus Cardinalis de Aragonia in collect. lib. existente
in Bibliotheca Vaticana.

Bernardinus Gomescius Episcopus Albaratinensis in vita Ja-
cobi Regis Aragonum lib. 19.

Petrus Mexias in vita Rodulphi Imperatoris.

Fr. Marcus Ulyssiponenfis Episcopus Porti in Lusitania in
Chronica Fratrum Minorum part. 2. lib. 2. cap. 7.

Joannes Pineda in Monarchia Ecclesiast. part. 3.

Ferdinandus de Castillo part. 1. Historiæ Generalis Ordinis
S. Dominici lib. 3. cap. 9., & cap. 39. cum sequent.

Gonzalus de Illescas in Histor. Pontific. part. 1. lib. 5. c. 40.

Alphonfus Ciacconus Ordinis Prædicatorum in Vitis Ponti-
ficum in Gregorio Decimo.

Joannes Mariana Societatis Jesu de rebus Hispanicis lib. 13.
cap. 22.

Petrus Ribadenerius Societatis Jesu in Flore Sanctorum in
Vita S. Bonaventuræ.

Ex Gallis.

Gulielmus de Mangis Monachus S. Dionysii in vita Philippi
Regis Franciæ Filii Sancti Ludovici.

Gulielmus Duranti cognomento Speculator in Comment.
ad Concilium Lugdunensē ipsius Gregorii Decimi.

Bernardus Guido Ordinis Prædicatorum Episcopus Luteven-
fis in Chronolog. Pontific. Rom.

Vincentii Belluacensis Additionator in Speculo historiali
lib. 31. cap. 14.

(XLII)

- Robertus Gaguinus Historiæ Francorum lib. 7.
Nicolaus Ægidii Secretarius Reginus in Annal. Franciæ.
Christophorus Ropiniacus Cosageus Præses & Consiliarius
Regius de re Sacerd. seu Pontific. lib. 2. cap. 30.
Franciscus Belforestius Cosmograph. tom. 2.
Franciscus de Rosiers Archidiaconus Tullenis tom. 5. Stem-
mat. Lotharingiæ Ducum.
Gilbertus Genebrardus Theolog. Paris. lib. 4. Chronol.
Jacobus Severtius Theolog. Histor. Cronolog. Antistitum
Lugdunensium part. 1. num. 86., & part. 3. cap. 1. sect. 5. §. 1.
& sequent.
Gabriel Michael Andegavensis in Tabula Chronol. Parisiis
impressa 1615.
Leonardus Coqueus Theolog. Ordin. Eremit. S. Augustini
in Antimorneo tom. 2.
Henricus Spondanus Episcopus Appamiensis in Auctario
Cronologico ad Annales Baronii.
Claudius Robertus Presbyter Lingonienis in Gallia Chri-
stiana, ubi de Episcopis Leodiensibus.

Ex Germanis.

- Henricus Stero Monachus Althæensis in Chronico sui
Cœnobii.
Annales Dominicanorum Colmurensium part. 1.
Siffridus Presbyter in Epitome lib. 2.
Joannes de Sufato Ordinis Prædicatorum in Chronic. Magi-
stri Generalis dicti Ordinis.
Wernerius Rolevinchus in Fasciculo temporum.
Hartmanus Schedeluis Doctor in Chronica universali.
Chronic. generale antiquum totius Mundi impress. an. 1495.
Joannes Tritemius in Chronic. Monasterii Hirsaugiensis.
Paulus Langius Cigneus Monachus Bozaviensis in Chronica
Citizenfi.
Georgius Vulcellius in Epitome Romanorum Pontificum.
Franciscus Joannettus I. U. D. de Pontific. Rom. cap. 162.
Antonius Bonafidius I. C. de Iure Orient. in Sanctionibus
Imperatoris.

Scba-

(XLIII)

Sebastianus Verronius Præpositus Friburgensis in Chronico Ecclef. & Monarch. lib. 8.

Gerardus de Root in Hift. Auftriaca lib. 1.

Severinus Binus Canonicus in Concilio Generali tom. 3. part. 2.

Chriftophorus Hertmannus Monachus S. Benediæti in Annal. Eremitæ Deiparæ Matris Monasterii in Helvetia.

Petrus Opimerus in opere chronologico.

Iacobus Gretferus Societatis Iefu in Examine Monasterii Pleafani cap. 55.

Ex Flandris.

Ioannes Inveftitus S. Ioannis de Warnans Hiftor. Leodiensis.

Ioannes Hofemius de Geflis Pontific. Leodiens. tom. 2.

Magnum Chronicon Belgicum anno 1607. impreffum tom. 1. pag. 260.

Iacobus Meyerus in Annal. Flandricis lib. 9.

Riccardus Vaffiburg Archidiaconus Viridunensis in Antiquitatibus Belgicis.

Ioannes Molanus in Natal. Sanctorum Belgii die 10. Ianuar.

Ferreolus Locrius Paulinus in Chronico Belgico.

Sacrarium Sanctorum Patriæ Leodien. anno 1618. Leodii impreffum.

Aubertus Myræus in Fastis Belgicis.

Ex Polonis.

Martinus Polonus Archiepifcopus & Pœnitentiarius Papæ in Chronico Romanorum Pontificum.

Abraham Bzovius Ordinis Prædicatorum in Annal. Ecclef. tom. 13., & in Hiftoria Ecclef. lib. 6.

Ex Anglis.

Matthæus Paris. Monachus S. Albani in Hiftoria fua.

Matthæus Weltmonasteriensis Monachus S. Benediæti in Floribus Hiftoriarum lib. 2.

(XLIV)

Thomas Vualsinghamus Monachus in Historia Anglicana.
Nicolaus Harpsfeldius Hist. Eccles. Anglicanæ.

Ex Britannis.

Ioannes Rioclus Ordinis Minorum Minister Provincialis in
Compendio temporum & Histor. Eccles.

Ex Hibernis.

Lucas Wadingus Ordinis Minorum tom. 2. Annal. dicti
Ordinis.

Ex Scotis.

Petrus Kintire Sacerdos in Oratione de Laudibus, Vitâ, &
Morte Gregorii Decimi.

Martinus Scorus Ordinis Cisterciensis in Chronica Mar-
tiniana.

Ioannis Fordani Continuator Histor. Scotiæ.

Gilbertus Brunus in Anacl. Historiæ Scotorum Eccles.
pag. 57.

Iæobus Gordonius Societatis Iesu Chronologia.

Thomas Dempsterus I. C. Baro. de Muresch. Eques Aurat.
Hist. Eccles. Gentis Scotorum lib. 6. num. 555. pag. 296., & lib. 10.
num. 780. pag. 422.

Ex Græcis.

Michaelis Paleologi Græcorum Imperatoris litteræ responsi-
væ ad ipsum Gregorium Decimum in Regesto Vaticano.

Nicephorus Gregoras Consiliarius Imperatoris Andronici
Iunioris lib. 5. Hist. Rom. post princ.

Annalium Glicæ continuator.

Quantum elicitur argumentum ex quamplurimis antiquis
instrumentis, decretis, statutis tam generalibus Civita-
tis Aretii, quàm particularibus inter artes ejusdem Populi enun-
ciativis cum titulo Beati, & Sancti, quæ per tempora emanarunt
ab

ab anno 1327. usque ad annum 1550., de quibus habetur in Compulsorialis Aretino à fol. 192. usque ad fol. 203., & in Placentino fol. 106. apparet de rogitu publico Placentiæ anno 1395. in honorem hujus piissimi Viri nedum cum titulo Beati, sed etiam sanctæ recordationis; ex quibus in jure non minus plenè probatur fama antiqua, quàm per Testes de ea formiter deponentes, prout firman Bald. in l. cum aliquis num. 4. & apertius Salicet. num. 3. vers. Si tamen plura, Castrenf. num. 6. C. de jur. deliber., Cravett. de antiq. temp. part. 1. vers. ampliatur nunc num. 14., Caputaquen. decis. 344. num. 2. & 342. uum. 4. lib. 3.

Quintum deprehenditur ex Tabula vetustissima Sepulchro Beati Pontificis appensa, & ab anno 1276. usque in præsentem diem conservata, in qua sunt scripta Miracula quamplurima, quæ Dominus Noster Iesus Christus facere dignatus est meritis Viri Dei diversis personis singulari devotione, & affectu Beato Gregorio se devoventibus, quæ procul dubio pronunciant sanctitatem Beati Pontificis multis Dei sigillis obsignatam, & probatam fuisse, & de quibus erit agendum, cum de Miraculis in specie tractabitur: interim tamen tanquam antiquissima in Aretino Processu exemplata fol. 159. cum longinquitate temporis fulciatur, & conservata fuerit, titulus appellari debet secundum Baldum conf. 310. an patronatus lib. 5., Bartol. in l. 1. fin. princip. ff. de bonor. poss. secundum tab. Alber. in l. in finalibus ff. finium regun., Cravett. conf. 158. num. 4., Ripa in l. 1. num. 73. ff. si cert. pet. & per consequens tanquam inscriptio in antiquo opere facta, probat, Gloss. in cap. cum causam de probat., in cap. ad audientiam de rescript., cap. cum olim de censib., cap. sanè 24. quæst. 2.

Sextum se præbet argumentum ex litteris Ioannis Papæ XXII. sub data 6. Idus Maii 1326., in quibus ipsè famâ sanctitatis Beati Pontificis motus causam inquisitionis faciendæ de ejus vita, conversatione, & miraculis cummisit, quæ cum nonnisi probatâ famâ sanctitatis tanquam ex præambulo necessario ad Inquisitionem, & Processum Apostolicâ auctoritate faciendum soleat concedi, ut dicit Panvin. in Relatione S. Bonaventuræ, & illam esse expectandam voluerint Hostiens. & alii adducti in Relatione Canonizationis Sanctæ Francisæ Romanæ part. 3. art. 7. consequenter satis constare de hac fama sanctitatis in genere, ex quo eâ suppo-

suppositâ litteræ Commissariæ emanaverint, quibus accedit Festi-
monium Sedis Apostolicæ permittentis illum uti Beatum in vene-
ratione haberi, diem ejus natalis celebrari, statuas erigi, & inter
alias Sanctorum Imagines coli, quæ etsi non sufficiant, ut in Ca-
thologo Sanctorum relatus dici possit; ex illis tamen sanctitatis
maximum resultat argumentum, cum is honor nonnisi Sanctis
cum Deo regnantibus tribui soleat, ut notant in c. 1. de Reliq. &
Venerat. Sanctor. Hostiens. num. 5., Joan. Andr. num. 3., Ca-
stellin. de Canonizat. quæst. 1. vers. & fiat certâ die.

Septimò magis hæc fama comprobatur ex confluentia pio-
rum Fidelium ad Sepulchrum Beati Pontificis omni tempore, ne-
dum ex Aretina ipsâ Civitate, ac finitimis Etruriæ partibus, sed
ex aliis quoque Regionibus & Provinciis remotissimis cum obla-
tionibus Cereorum, & Lampadarum ardentium in signum acce-
ptorum beneficiorum, gratitudinisque ac devotionis erga Dei
servum, accedente ejusdem Sepulchri ornatu in die obdormitio-
nis illius, de quibus omnibus deponunt Testes in Remissoriali
Aretino, nempe I. super 25. artic. fol. 39., II. super 26. & 28.
fol. 46. & 47.. III. super 28. fol. 53., IV. super 28. fol. 60., &
VI. super 28. fol. 74., quorum depositiones comprobantur ex
Visitatione Sepulchri in eodem Remissoriali Aretino fol. 190. In
qua Judices delegati referunt circa sepulchrum vidisse multas ta-
bellas depictas, & alia vota argentea, & aliis materiis appensa ad
Sepulchrum Beati Pontificis demonstrantia gratias ab Omnipoten-
tente Deo meritis & intercessionibus ejusdem à diversis Fidelibus
acceptas: quæ omnia solent augere uniformem populi opinio-
nem, & devotionem, ut in Relatione Beati Juliani fuit pon-
deratum.

Octavò. Concurrunt Constitutiones, Statuta, & Decreta
super celebratione festi Beati Pontificis, quæ cum fieri non solent
à Magistratibus, & Universitatibus, nisi cum magna facti veri-
tate, & cognitione, & virorum frequentia, non videtur hæsi-
tandum, quin præcesserit fama sanctitatis, & miraculorum, ex
qua moti præsumuntur ad piam & laudabilem ejus memoriam
conservandam: ex Statutis namque antiquis Aretii anni 1345. in
Aretino Processu fol. 192. à tergo referuntur formalia verba ru-
bric. 39. lib. 2. De honore faciendo Beato Gregorio Papæ Decimo
statutum est, quod omni anno expendantur in festivitate Beati
Gre-

Gregorii de Havere Communis centum libræ in ceris, quæ debeant offerri diſtæ feſtivitati ſuæ; & ex Statuto Artis Fabricantium de anno 1386. fol. 183. in eodem Aretino inter feſtivities obſervandas ordinatur dies feſtivitatis Beati Gregorii de menſe Januarii, & ex Statutis Artis Lanæ ejuſdem Civitatis compilatis de anno 1407., & in Remiſſoriali fol. 177. à tergo ſimilis ordinatio deſumitur venerandi feſtum Beati Pontificis.

Nonò prædiſtis accedit obſervantia continuata ab an. 1276. immediatè poſt obitum Beati Pontificis uſque in præſentem diem, quæ veritatis hujus famæ ſanctitatis fideliffima eſt interpres, nam Tabula Miraculorum appenſa Sepulchro Beati Pontificis habet formalia verba: In nomine Dei Æterni. Amen. Anno Domini 1276. Indiſtione quarta Domino Innocentio Papa Quinto reſidente: Inſcripta ſunt Miracula, quæ Dominus Noſter Jeſus Chriſtus fecit meritis Beati Gregorii Decimi in perſonis inſcriptis, quæ ſe cum reverentia devoverunt Beato Gregorio ſupraſcripto: & cum eadem Tabula concordant aliæ duæ ſimiles in Vaticano Tabulario, & in Bibliotheca Patrum Oratorii de Urbe conſervatæ, exprimentes diem, Annum, Indiſtione, & Pontificatum, & nonnulla Miracula ex ſupradiſtis relata in eodem primo Proceſſu Aretino fol. 159. ad 165. & exindè emanarunt Statuta Civitatis Aretinæ, nec non & Artium de anno 1327. incipientia & continuantia in reformationibus eorundem uſque ad annum 1550. & confirmationem de feſto celebrando, & ordines de cera offerenda in die feſti, quæ omnia in Aretino compulſata leguntur ſingulis ferè annis, ex quibus duo ad majorem Sanctitatis famam probandam inferuntur, nempe obſervantia morti Beati Pontificis proxima, & continuatio abſque intermiſſione per trecentos & ultiores annos, quæ ſolent eſſectum obſervantiæ plenè comprobare Cravett. conf. 101. num. 3., Bald. conf. 245. num. 2. lib. 3., Rota deciſ. 301. num. 8. part. 1. recent.

Decimum & ultimum argumentum præbent ſupplicationes Principum tam Eccleſiaſticorum, quàm Sæcularium, pro Servi Dei Canonizatione, cujus ſanctitas ſicuti per Orbem univerſum divulgata eſt, ita Principes ex eodem Orbe univerſo ex diverſis Provinciis ſupplicarunt pro gratia referendi Sanctiſſimum Virum in Sanctorum Catalogum. Humiliter enim preces porrexerunt Ferdinandus Archiepiſcopus & Elector Colonienſis, Capitulum &

& Ecclesia Leodiensis, Ordines Prædicatorum, Minorum, & Servorum, Imperator, Rex Christianissimus, Rex Catholicus, Respublica Veneta, Magnus Dux Etruriæ, Dux Parmæ & Placentiæ, ipsaque Placentiæ Civitas, Capitulum & Clerus Placentinus, Civitas & Capitulum Aretinum, Respublica Genuensis, & alii Proceres, ex quibus benè concluditur hæc generica Sanctitatis probatio, ut quartam partem ingredi faciliè possimus.

*De Miraculis post obitum Beati Gregorii
Papæ Decimi.*

Cum de Miraculis post mortem tantùm hic agendum sit, possunt faciliè omitti quæstiones, quæ solent moveri, an sufficiant Miracula ad canonizandum, si probentur facta in Vita tantùm illius, vel etiam requiratur, ut eadem probentur post mortem. Similiter neque est immorandum in discutiendo requisita ad Miraculum probandum necessaria, quia hæc sæpiùs fuerunt examinata in aliis Relationibus, signanter in illa S. Andreae Corsini, & B. Thomæ de Villanova Episcopi Valentini, quæ faciliè ad manus deferri possunt. Visum tamen fuit non incongruum hîc subijcere tenorem Tabulæ appensæ ad Sepulchrum Beati Pontificis, cum de Miraculis in ea contentis particulariter sit agendum.

*Tenor Tabulæ appensæ ad Sepulchrum Beati Pontificis
compulsatæ in Processu Aretino.*

Apuđ Aretinam Civitatem Tusciæ depositio Corporis Beatissimi Gregorii Papæ Decimi de nobili genere Vice-Comitum de Placentia, qui cum esset Archidiaconus Leodiensis exiens in Civitatem Achon cum Christianis contra Saracenos à Cardinalibus in Civitate Viterbiensi miraculosè fuit electus in Papam, & cum Summo honore Romæ coronatus. Fecit autem Lugduni solemne Concilium, ubi inter alia cum Imperatore, multis Regibus, & Baronibus pro recuperanda Terra Sancta passagium ordinavit, & personaliter illuc iter arripiens, & recedens Anno Dom. 1276. in Civitate Aretii migravit ad Dominum, sepultusque est in Ecclesia Cathedrali.

In

In Nomine Dei Æterni. Amen. Anno Domini 1276. Indictione quarta, Domino Innocentio Papa Quinto residente. Infra-scripta sunt Miracula, quæ Dominus Noster Jesus Christus fecit meritis Beati Gregorii Papæ in personis infra-scriptis, quæ se cum reverentia devoverunt Beato Gregorio supradictõ.

I. Die Martis decimo die exeunte mense Aprilis D. Lamin-dina Uxor Ghirardutii de Civitate Florentiæ, quæ vexabatur à Dæmonio, & vexata steterat spatio 25. annorum, sicut ipsa mulier in verbo fidei affirmabat, meritis Beati Gregorii supradicti, cui se devovit, liberavit eam Deus: prædicta testificati fuerunt Anchiere Tarnaldi, Landus filius fratris Orlandi, D. Menghar-da Riccomanni, & Accursius Clericus Majoris Ecclesiæ Aretinæ.

II. Dicta die Martis D. Imeldina olim Venturæ Braumantis de Castro de Comis Communitatis Aretii, quæ vexabatur à dæmonio, meritis Beati Gregorii supradicti, cui se devovit, liberavit eam Deus: prædicta testificati sunt Gherardutius Faber filius Bencivenis, Ventura filius Joannis, Coppis filius Velli, & Benvenuta uxor Bencivenis Mater dictæ Imeldinæ, qui viderunt eam dæmoniacam, & postea sanam.

III. Die Lunæ 27. Mensis Aprilis Adalert mulier Theutonica filia Herrigi de Civitate Ruodolingenæ districtus Comitis de Feringhene, quæ veniebat à Civitate Romana, & visitaverat limina Beatorum Apostolorum Petri & Pauli, & etiam S. Nicolai, associata, juravit tacto libro per Deum vivum, & per Jesum Christum ejus Filium, & per B. Virginem Mariam ejus Matrem, & per omnes Apostolos, & Sanctos, & Sanctas Dei, computato eidem Mulieri Sacramento per Joannem Theutonicum, qui sciebat linguam latinam, quod ipsa mulier non vidit aliquo modo neque Cælum, neque Terram, neque Solem, neque aliam rem existentem in Mundo, jam sunt octo anni elapsi, & veniendo ab Urbe Avocola cum Societate ad Civitatem Aretinam venit ad monumentum Beati Gregorii supradicti, cui se cum reverentia devovit, quod idem redderet lumen oculorum suorum, & factò voto statim meritis Beati Gregorii supradicti aperti sunt oculi sui, & vidit Cælum, & Terram, & homines, & mulieres, & omnia quæ respiciebat. Et idem Ioannes Theutonicus juravit ad Sancta Dei Evangelia, quod ipsa mulier sic juraverat, & juravit, quod vidit eam cæcam jam sunt quatuordecim dies in

Urbe : Et hæc omnia testificati fuerunt Reugo Joannis de Franchi forte de Alemania, & multi alii, qui venerant, & duxerant eam ad Urbem, & liberata est prædicta Mulier præsentibus DD. Caccia Plebano de Sancto Donato, de Martinellis Canonico Aretino, Orlandino Plebano Plebis Pontenano, Coppo Velli, & coram magno numero hominum, & mulierum, & juravit coram Domino Bono Præposito Aretino, Rainerio de Gressa, & Donato de Martinellis Canonicis Aretinis, & coram multis aliis.

IV. Die Lunæ prædicta D. Isamberga uxor olim Joannis de Castro Bibienæ, quæ vexabatur, & vexata extiterat à dæmonio jam sunt decem anni, & ultra, sicut ipsa mulier in verbo fidei affirmavit, meritis Beati Gregorii supradicti, cui se devoverat, stando sub monumento ejusdem, liberavit eam Deus. Prædicta testificatus fuit Joannes filius Sodi, Pace filius Benamati, & Artottus ejus frater, & Benamatus prædictus & Bonus de Piscinale, dicentes, quod viderunt eam dæmoniacam, & postea sanam.

V. Die Veneris primâ die mensis Maii Benintende filius Benincasæ de Vocognano dixit suo juramento, quod jam sunt quinque anni, & plus, quod propter gravem infirmitatem, quam habuit, aliquo modo non potuit ire, nec redire sine baculo, sive scaccis, & quandò ibat cum scaccis, semper ibat contortus, & gibbus, & adeò incurvatus, quod quasi retinebat Caput, & faciem suam juxta Terram, & aliter non poterat ire, nec se erigere. Et veniendo, & stando cum magna reverentia ad monumentum Beati Gregorii supradicti, cui se devovit, & invocando auxilium suum, meritis ipsius liberavit eum Deus à dicta infirmitate ita, quod liberè sine baculo, vel alio adjutorio prædictus vadit, & redit quocumque vult. Omnia testificatus Arengutius Alberatore Nepos dicti Benintendis, D. Subilia uxor dicti Arengutii, Giana famula dicti Arengutii, & multi alii, qui viderunt eundem sic infirmum & contortum, & modò sanum, & hæc testificati fuerunt coram Raynerio de Gressa, & Donato de Martinellis Canonicis Ecclesiæ Cathedralis Aretinæ, & multis aliis.

VI. Die Veneris prima die Maii Donna Bona uxor quondam Donati Notarii de Civitate Aretii de Populo S. Petri parvi dixit, & affirmavit suo juramento, quod ipsa sine aliqua interpolatione stetit avocola, & amisit lumen oculorum suorum, jam est unus annus & plus ita, quod aliquo modo non potuit videre, & veniendo,

niendo, & stando sub Sepulchro Beati Gregorii Papæ Decimi supradicti, cui se devovit cum magna reverentia, meritis ipsius Beatissimi Patris Deus liberavit eam stando sub monumento ejusdem, ita, quod benè vidit, & cognovit omnes res, quæ sibi monstrantur; & prædicta juraverunt sic esse vera Donna Guidalotta uxor Capardini, quæ fuit de Senis, quæ moratur cum ipsa D. Bona in domo, & D. Imelda uxor Rubei Sbragernæ, D. Servita filia olim Orlandi, & D. Bruna uxor Guidonis Furnarii, & hæc testificatus fuit in verbo fidei D. Amadeus Prior S. Petri parvi Sacerdos dictæ D. Bonæ, & postea juraverunt, & testificati sunt præsentibus DD. Rainerio de Gressa, Donato de Martinellis, Henrico & Uberto Canonicis Majoris Ecclesiæ, & multis aliis.

VII. & VIII. Die Lunæ quartâ die mensis Maii intrantis Druda Uxor Amici de Rocha de Vezzano, & Vivella filia Baldutii dicti loci in verbo veritatis, & in judicio, quod deberent recipere in die judicii, dicunt, & affirmant, quod ipsæ steterunt vexatæ & occupatæ à spiritibus malignis pluribus temporibus, & specialiter ipsa Druda dixit, quod steterat vexata ab ipsis spiritibus benè per quinque annos, & Amicus Maritus Drudæ, & Bonansegna filius Ognibene de Rocha prædicta testificati sunt eodem modo, dicentes, dictas mulieres verum dixisse, sicut viderant & audiverant, & meritis Beati Gregorii supradicti, cui se devoverunt sub monumento suo, liberavit eas Deus; testificati fuerunt hæc præsentibus DD. Bonignore Primicerio, Donato, & Herigo Canonicis, & multis aliis.

IX. Die Lunæ prædicta D. Bonasia uxor Galgani de Castiglione Filiorum Alberti dixit suo juramento, quod vexata stetit ab immundis spiritibus benè per triginta annos, & plus, vel aliâ crudeli infirmitate detenta stetit à tempore, quo visâ Eclypsis universalis usque ad primum diem Dominicum mensis Maii proxime præcritum extitit sic vexata, & multorum Medicorum requisita non potuit liberari. Veniens prædicta Mulier Gregorii supradicti, & devovit se Deo & Beato Gregorio, & ab ab ipsa infestatione dæmonum meritis B. Gregorii supradicti est liberata, adeo rejestando per os multum à longè plus, quàm posset pati humana natura, multis astantibus, & videntibus hominibus, & mulieribus, quæ erant sub Tumulo ipsius Beatissimi Patris, & audivit vocem dicentem supradictæ

Mulieri; Bonasia surge, & ter saluta B. Virginem Mariam, quoniam liberata es, & ipsa Bonasia subito surrexit, quasi terrens homines, & mulieres, infirmos astantes subtus sepulchrum prædictum, & liberavit eam Deus ab ipsa infirmitate, sive infestatione Dæmonum, & hoc testificantur Orlandinus quondam Pretatii de Castilione, & Donna Encasa uxor Pisani, quæ erat secum sub prædicto monumento, & hæc omnia dixit coram D. Bonsigaore Primicerio Aretino, Presbytero Joanne Mansionario Majoris Ecclesiæ, Jacobo Clerico, & Fratre Andrea de Florentia de Regula Apostolorum, & coram multis aliis.

X. Die 13. mensis Maii intrantis Baldufinus filius olim Orlandi Civis Aretinus de Populo S. Michaelis, & D. Jacopina ejus uxor, dicunt, & affirmant in verbo veritatis, & in Fide Jesu Christi, quod Neria eorum filia fuit aded contracta in omnibus membris suis, quod non potuit se erigere, nec ire aliquo modo sine adjutorio hominis, vel mulieris, & faciendo dictam filiam apportare à quadam Serva dicti Baldufini ad monumentum Beati Gregorii supradicti, cui devoverunt dictam eorum filiam, stando sub ejus monumento meritis ipsius liberavit eam Deus, ita quod per se sine adjutorio alicujus potest se erigere, & liberè ire. Et hæc testificatur fuisse vera D. Beneludus Orlandus quondam Jacobi, Rainerius olim D. Ubertini, & plures alii Testes.

XI. Die 9. mensis Maii intrantis Rubertus quondam Cambii de Florentia dicit, & affirmat in verbo veritatis, quod stetit surdus, & non audivit aliquem hominem loquentem, jam sunt sexdecim anni, & plures, & veniendo ad sepulchrum Beati Gregorii supradicti, cui se devovit, & tangendo ejus sepulchrum, & stando sub eo, audivit quemdam sonitum locustæ, & Cicadæ, & ab ipsa hora in antea meritis Beatissimi Patris Gregorii Dominus sanavit eum, & reddidit ei auditum, ita quod benè audit, & intelligit omnia, quæ sibi dicuntur ab hominibus. Et hæc testificatus est in præsentia DD. Raynerii de Gressa, Donati de Martinellis, & Uberti, Canonicorum, & plurium aliorum.

XII. Die 9. prædicti mensis Joannes olim Tucciardi de Rancho dixit, & affirmavit in verbo Fidei & veritatis, quod ipse stetit surdus, & non audivit aliquam vocem, jam sunt XXI. anni, & veniendo ad monumentum Beati Gregorii supradicti, cui se devovit, & stando sub sepulchro ejusdem Beatissimi Patris, & tangendo

gendo ipsum monumentum, subito liberatus est ita, quod bene audit omnia, quæ sibi dicuntur meritis ipsius Beatissimi Patris, & hæc dixit presentibus D. Uberto Canonico Aretino, M. Bonfiolo, & Ruberto quondam Cambii.

XIII. Nona die prædicta Joannes Petri de Carpignalo Plebatus Plebis S. Petri de Massa dixit, & affirmavit, quod stetit avocolus, & non potuit videre, jam est annus, vel parum minus, ita quod non videbat lumen, & veniens ad monumentum Beatissimi Patris Gregorii supradicti, cui se devovit, & stando sub monumento prædicto, & tangendo ipsum monumentum, meritis ipsius subito liberatus est ita, quod bene videt. Et hoc testificatus fuit Timideus, & D. Berta uxor ipsius Timidei.

XIV. Die 10. mensis Maii Margarita uxor Joannis Savia de Castro Plebis de Massa Trebatia dixit & affirmavit, quod ipsa non potuit loqui aliquo tempore vitæ suæ aliquo modo, vel audire: veniens ad Sepulchrum Beati Patris Gregorii supradicti devota fuit; & stando sub eodem sepulchro, & tangendo illud meritis ipsius Beatissimi Patris Gregorii liberavit eam Deus ita, quod loquitur, bene audit. Et hoc testificata fuit Litiaria ejus Soror coram D. Bonignore Primicerio, Raynerio de Gressa, & D. Donato de Martinellis, Canonicis Aretinis.

Præterea notum sit omnibus videntibus, seu legentibus istam Chartam, quod multa alia Miracula per merita prædicti Sanctissimi Patris Gregorii Decimi fecit Deus, quæ longissimum esset narrare, & quia non posset hæc brevis Charta multa ejus Miracula ad plenum continere, idè quicumque ejus miracula ad plenum noscere desiderat, ad Sacristam hujus Ecclesiæ accedat, qui sibi plenos Codices Miraculorum prædicti Beatissimi Papæ libenter ostendet. !



PRIMUM MIRACULUM.

*Mulier obſeſſa à dæmone , & vexata per viginti
quinque annos continuos, meritis Beati
Pontificis liberatur.*

L Amandina Uxor Gherardutii Florentina cum vexaretur à dæmone, & vexata ſtetiſſet per viginti quinque annos, meritis Beati Gregorii, cui ſe devovit, liberata remanſit.

De operatione miraculoſa non dubitavimus; nam fugare dæmones non eſt humanę virtutis, ſed inter Miracula facta per Salvatorem computantur, ut in Evang. Matthæi 8. ibi: *obtulerunt ei multos dæmonia habentes, & eſciciebat ſpiritus verbo;* & cap. 9. *Ecce obtulerunt ei hominem mutum, dæmonium habentem, & eſcecto dæmonio loquutus eſt mutus:* & cap. 12. *tunc oblatus eſt ei dæmonium habens, cæcus, & mutus, & curavit eum, itaut loqueretur, & videret:* & Marci cap. 9. Vel eorum, quibus à Deo potestas data eſt, ut in Evangelio Luca cap. 10. *Ecce do vobis poteſtatem calcandi ſuper ſerpentes & ſcorpiones, & ſuper omnem Virtutem inimici, & nihil vobis nocebit:* & Matthæi cap. 10. *Convocatis duodecim Discipulis dedit eis poteſtatem in ſpiritus immundos, ut eſcicerent eos:* Similiter apud Acta Apoſtolorum inter Miracula Discipulorum ponitur, dæmones eſcicere, dum ſolà Philippi prædicatione dæmonia de corporibus exibant:

Factum probatur, nempe infirmitas Obſeſſę, & liberatio ex deſiſtione Teſtium in ſecundo Proceſſu Remiſſoriali Aretino de publica voce, & fama, in ſpecie de liberatione Lamandinę Uxoris Gherardutii I. ſuper primo Articulo fol. 26., IV. fol. 44. V. fol. 50. & in genere per relationem ad Tabulam Sepulcro Beati Pontificis appenſam, deponunt Teſtes ejuſdem ſecundo Remiſſorialis Aretini II. fol. 34., III. fol. 39., VI. fol. 57. Et in primo Remiſſoriali Aretino IX. ſuper 27. fol. 94., & in Placentino IX. ſuper 26. fol. 85. & ulterius dicunt contenta in Articulo eſſe vera de publica voce & fama, quod ſufficeret, ut adhuc videantur in ſpecie deponere ſuper articulatis Miraculis, Bald. conf. 56. nu. 12. lib. 4., Caſſador. deciſ. 3. num. 5. de probat., Rot. deciſ. 578. num. 1. coràm ſan. mem. Papa Gregorio XV., quorum diſta plenè,

nè, & concludenter probare, cum versemur in Antiquissimis supra 300. annos firmavimus supra in Articulo de sanctitate in genere; quibus convenit Tabula ad sepulcrum Beati Pontificis appensa, pariter supra 300. annos conservata sub data anni 1276. quarta Indictione Pontificatus Innocentii Papæ Quinti, in qua formalia verba ponuntur. Die Martis decimo die exeunte mense Aprilis 1276. Donna Lamandina uxor Gherardutii de Civitate Florentiæ, quæ vexabatur à dæmonio, & vexata steterat spatio 25. annorum, sicut ipsa mulier in verbo fidei affirmabat, meritis Beati Gregorii superscripti, cui se devovit, liberavit eam Deus. Prædicta testificati fuerunt Anchiere Tarnaldi, Landus filius fratris Orlandi, Donna Mengada Riccomania, & Accursius Clericus Majoris Ecclesiæ Aretinæ. Secundò concurrunt aliæ duæ similes tabulæ conservatæ in Vaticano, & in Bibliotheca Oratorii Ecclesiæ Vallicellana: in Vaticano quidem Codice num. 3457. in Vallicellano autem littera C. 16. fol. 155. ubi eadem verba enunciantur. Ex quibus enunciativis antiquissimis non minus desumitur probatio, quàm ex ipsa Testium depositione, cum habeant vim famæ probatæ Castrenf. in l. cum aliquis num. 6. C. de Jur. delib., Alexand. conf. 90. num. 1. & 2. lib. 6., Cravet. de antiq. temp. part. 1. vers. ampliatur nunc num. 8. & 14., Soccin. conf. 86. num. 1. lib. 1.

Neque dubitavimus hanc Tabulam Sepulcro Beati Pontificis appensam, antiquissimam esse, & in sua antiquitate verissimam, non obstante quod data in eâ posita anni 1276. non soleat probare antiquitatem secundum Put. decis. 186. lib. 3., & 439. lib. 1. & 9. de fid. Instrumentorum; quia cum ex pluribus remaneat adminiculata, cessat exceptio, & periculum antidatæ, ex eodem Put. & aliis allegatis in Firmana Jurispatronatus prima Decembris 1589. coram bon. mem. Pœnia. Nam hæc eadem Tabula dimissa copiâ ad sepulcrum fuit conservata in Archivio operæ publicæ Majoris Ecclesiæ Aretinæ, à quo Archivio uti bene custodito per personam particulariter deputatam solet recipere robur veritatis in qualibet sui parte, Auth. ad hæc C. de Fid. Instrum., Cravett. conf. 158. num. 4., Gabr. de probat. conclus. 5., Put. decis. 430. & 441. lib. 2., & 384. lib. 3. in correctis. Rursus aliæ duæ similes cum eodem anno, Indictione, & Pontifice, ut dicebamus, conservantur in Vaticano & Vallicellano, & de hac ipsa
Tabul

Tabula mentionem facit Joannes Molanus in Natalibus Sanctorum Belgii, dicens, illam authenticam, & fide dignam Miraculis plenam, ponens eandem datam, & de antiquitate concludunt Testes in Remissoriali Placentino VI. super 27. artic. fol. 70. à tergo, VII. fol. 77., IX. super 26. fol. 85., & in primo Aretino I. juxta 5. fol. 37. à tergo; V. juxta 5. fol. 64. à tergo, & duo alii Testes Compulsoriales super recognitione dictæ Tabulæ in eodem Processu V. fol. 144., & VI. fol. 146., & Attestatio Notarii Actuarii eodem Processu fol. 159., & in secundo Remissoriali Aretino I. super primo fol. 25. à tergo, & VI. juxta 5. fol. 57. de publica voce & fama antiquissima deponentes: ex quibus omnibus credimus & datam, & antiquitatem Tabulæ esse probatam, & illi propterea, junctis maximè Testibus in specie, & in genere de fama, & publica voce Miraculi deponentibus, fidem adhibendam cap. finali in princ. num. 24. quæst. 2. ubi gloss. in verb. *Diphrychis*, Speculator de probat. §. Videndum restat num. 12. versic. per libros antiquos, & antiquas scripturas, Cravett. de antiquit. tempor. part. 1. sect. 8. datur limitatio num. 12., Rota decis. 482. num. 4. part. 1. recent., ubi antiquæ inscriptioni positæ in Ecclesia multum defertur, & in Augustana Parochialis 18. Aprilis 1603. coram Episcopo Atrebatense, & in Baren. Jurisdictionis 16. Februarii 1609. coram bon. mem. Cardinali Sacratio in specie ponderantur hujusmodi Tabulæ, quæ solent in Ecclesiis, vel Sacristiis conservari: Durant. de Rit. Eccles. Catholic. lib. 2. cap. 43. num. 8. & 9., & similem probationem fuisse admissam testantur Relationes S. Raymundi artic. 10., in qua extabat liber Miraculorum ejusdem Servi Dei, & S. Hyacinthi in tertio Miraculo, ubi desumitur series Miraculi ex libro vetusto vitæ ejusdem Sancti.

Quod si adhuc desiderentur adminicula, credimus plura concurrere, et quidem urgentia, nam Joan. Andr. in cap. ubi periculum num. 1. de elect. in 6. testatur suo tempore, Inquisitionem super sanctitate, & Miraculis hujus Beati Pontificis fuisse commissam tunc Archiepiscopo Pisano, & Episcopo Mutinensi. Sed magis urget observantia tanti temporis, quo ista Tabula per Ordinarios appensa ad sepulchrum fuit tolerata, cujus veritas nisi fuisset patens, et notoria, non permisissent ipsi tanto tempore illam appensam ab omnibus legi, et in publico conservari.

Bald.

Bald. conf. 310. lib. 5., Dec. conf. 135. num. 1., Joan. de Anan. conf. 86. circa finem, Ferrett. conf. 293. num. 9., & ad rem hanc eadem ponderatio fuit facta in Relatione S. Andreae Corsini par. 5. §. 1. Demùm magis comprobatur testimonium Ecclesiæ in celebrando festo Beati Pontificis per 300. & plures annos in illius honorem, & cum oblationibus, quod per se sufficeret ad dandam fidem scripturæ, quamvis infirmi, dùm observata fuit sanctitas in illa Tabula enunciata, Bald. conf. 400. num. 1. lib. 4., & conf. 401. n. 9. lib. 5., Cravett. conf. 101. num. 4.

Neque potest dubitari de substantia Miraculi ex eo, quod Testes tam in specie, quàm in genere se referant ad Tabulam, & Tabula non justificat infirmitatem Obsessæ, nisi per assertionem illius, cui in re tam gravi, prout est in Miraculo concludendo, standum non sit, ne sit in facultate unius mulierculæ declarare Miraculum, ubi non est aliter probatum.

Quia Miraculum non desumitur ex Tabula, prout est probandum, sed prout jam est sequutum, & perfectum, itaut si substantialia Miraculi in Tabula non exprimerentur, nihilominus probaret factum jam perfectum, ut dicimus de probanda venditione perfecta ex Apoca, quamvis substantialia venditionis non contineantur in ea. Ægid. decif. 690. num. 8., Curt. Jun. conf. 168. num. 10. & 11., Rip. in l. admonendi num. 154. ff. de jur. juran., & idem Rota firmavit in Parisien. Pecuniaria 30. Martii 1612. coram D. Coccino Decano, & in Romana Palatii 6. Junii 1618. coram bon. mem. Cardinali Sacrato. Animadvertimus præterea assertionem istius mulieris non esse simplicem, sed in verbo fidei confirmatam, quod idem importat, ac juramentum gloss. in cap. pervenit in verb. religionem fidei de fidejuss., Gemin. in cap. 1. num. 3. de specul. in 6., Bald. in cap. litteras num. 13. de præt., Afflict. decif. 389. num. 2., Surd. decif. 225. num. 2. Et addimus, in factis antiquis probari infirmitatem, & Infirmi liberationem ex attestatione illius tantùm, qui gratiam recepit, ubi aliæ probationes deficient: ut in Relatione S. Raymundi part. 2. Octavo Miracul., & S. Ignatii in secundo Miraculo fuit admissum.

SECUNDUM MIRACULUM.

*Aretina Mulier, quæ à dæmone vexabatur
Voto factò libera remansit.*

E Adem die Martis exeunte mense Aprilis 1276. Donna Imeldina olim Venturæ Bramantis de Castro de Comis Comitatus Aretii, quæ vexabatur à dæmonio, meritis Beati Gregorii suprascripti, cui se devovit, liberavit eam Deus: prædicta testificati fuerunt Gherardus Faber filius Bencivenni, Ventura filius Joannis Coppis filius Velli, & Benvenuta Uxor Bencivennis mater dictæ Imeldinæ, qui viderunt eam dæmoniacam, & postea sanam. Hæc pariter sunt verba desumpta ex eadem Tabula, & leguntur in aliis duabus, conservatis in Vaticano, & Vallicellano Oratorio, & concurrunt Testes de hoc Miraculo in persona Imeldinæ factò, particulariter deponentes de publica voce & fama in secundo Remissoriali Aretino I. super 2. articulo fol. 26., IV. fol. 44. & V. fol. 51., & in eodem Processu II. fol. 34., III. fol. 39., & VI. fol. 57. in genere deponunt de Dæmoniacis liberatis intercessione hujus Beati Pontificis; & in primo Remissoriali Aretino idem dicit IX. Testis fol. 94. dum deponit de Mangarda Riccomanna adscripta pro teste, à qua ille Testis asserit se originem ducere, & in Remissoriali Placentino IX. Testis super 26. fol. 85., qui enumerat quinque dæmoniacos liberatos, & in specie de contentis in Tabula supradicta; quibus accedunt eadem adminicula in primo Miraculo ponderata, nempe admissio Tabulæ per tempus supra 300. annos, observantia, & continuatio sanctitatis, oblationes, & festorum celebrationes, testimonium Ecclesiæ, & alia deducta in Articulo de sanctitate in genere, quæ solent supplere defectum probationis, quatenus de ea possit dubitari: I. instrumenta C. de probation., Crav. de antiq. temp. par. 1. viso de verbis num. 7., Rot. decif. 751. num. 1., & 813. part. 1. divers.

Neque dubitandi causam præbent illa verba Tabulæ, quod Testes asserant, illam vidisse dæmoniacam, & postea sanam, quasi absque eo, quod non reddant causam scientiæ, non sit fides adhibenda, dum hæc cognitio non cadat sub sensu corporeo, quia, ut diximus in primo Miraculo, non deducimus Miraculum, pro-

ut

ut est probandum , sed prout jam est perfectum , concurrente de-
positione Testium , & in specie , & in genere cum aliis adminicu-
lis supra in primo ponderatis , ex quibus de perfecta , & plena
probatione illius non potest dubitari .

TERTIUM MIRACULUM

*Mulier Theutonica ab octo annis cæca
lumen recipit .*

A Dalert Mulier Theutonica filia Henrigi de Civitate Ruodo-
linghenæ districtus Comitis de Feringhene , quæ veniebat
à Civitate Roma , & visitaverat limina Beatorum Apostolorum
Petri & Pauli , & etiam Sancti Nicolai affocciata , Juravit tacto li-
bro per Deum vivum , & per Jesum Christum ejus Filium , & per
B. Virginem ejus Matrem , & per omnes Apostolos , & Sanctos ,
& Sanctas Dei , computato eidem Mulieri Sacramento per Joan-
nem Theutonicum , qui sciebat linguam latinam , quod ipsa mu-
lier non vidit aliquo modo neque Cælum , neque Terram , neque
Solem , neque aliam rem existentem in Mundo , jam sunt octo
anni elapsi , & veniendo ab Urbe Avocola cum societate ad Ci-
vitatem Aretinam venit ad monumentum Beati Gregorii supra-
scripti , cui se cum reverentia devovit , quòd eidem redderet lu-
men oculorum suorum , & facto voto statim meritis Gregorii su-
pradiæti aperti sunt oculi sui , & vidit Cælum , & Terram , & ho-
mines , & mulieres , & omnia , quæ respiciebat , & idem Joannes
Theutonicus juravit ad sancta Dei Evangelia , quod ipsa Mulier
sic juraverat , & juravit , quod vidit eam cæcam , jam sunt qua-
tuordecim dies in Urbe , & hæc omnia testificati fuerunt Reugo
Joannis de Franchefort de Alemania , & multi alii , qui venerant ,
& duxerant eam ad Urbem , & liberata est prædicta mulier præ-
sentibus DD. Caccia Plebano de Sancto Donato , de Martinellis
Canonico Aretino , Orlandino Plebano Plebis Pontenano , Cop-
po Velli , & coram magno numero Hominum , & Mulierum . Et
juravit coram D. Bono Præposito Aretino , Rainerio de Gressa ,
& Donato de Martinellis Canonicis Aretinis , & coram multis
aliis . Hæc omnia sunt verba Tabulæ , supradictæ rei totius gesta
narrativa , cum quibus conveniunt Testes secundi Processus Re-

missorialis Aretini de publica voce & fama, in specie hujus Miraculi deponentes, scilicet I. super 3. Articulo fol. 26., II. fol. 35., IV. fol. 44., V. fol. 57., & ex eodem Processu in genere de sanatione Cæcorum deponunt III. fol. 40., VI. fol. 57., & in primo Processu Aretino in genere de contentis in Tabula deponunt I. super ultimo fol. 42., II. fol. 47., III. fol. 53., IV. fol. 60., V. fol. 68., & in Remissoriali Placentino III. super 26. fol. 62., VI. super ultimo fol. 70., VII. fol. 79., IX. fol. 89.

Neque dubitavimus, quin actio ipsa restitutionis luminis tam in se ipsa considerata, quam etiam quoad modum operandi contineat miraculum, quia etsi natura possit dare lumen corpori, non tamen Cæcæ, & dare vitam, non tamen mortuo, ut dicit S. Thom. part. 1. quæst. 105. art. 8. in corpore vers. 2. & propterea cum excedat vires naturæ creatæ, et nos Miraculo adscribendum censuimus, sequendo D. Thomam supra allegatum, & Canonistas communiter in cap. 1. de Reliq. et Venerat. Sanctorum in 6., quibus adducti Majores Nostri in consimili Miraculo idem dixerunt in Relationibus Sanctorum Caroli Cardinalis Archiepiscopi Mediolani, Reginae Elisabeth, & Beati Felicis de Cantalicio.

QUARTUM MIRACULUM

*Mulier de Castro Bibienæ per decennium à dæmone
vexata stando sub monumento Beati
Pontificis liberatur.*

I Samberga Uxor olim Joannis de Castro Bibienæ, quæ vexabatur, & vexata extiterat à Dæmone jam sunt decem anni et ultra, sicut ipsa mulier in verbo fidei affirmavit, meritis Beati Gregorii supradicti, cui se devoverat, stando sub monumento ejusdem liberavit eam Deus: Prædicta testificatus fuit Ioannes filius Sodii, Pace filius Benamati, & Arlottus ejus frater, et Benamatus prædictus, et Bonus de Piscinale dicentes, quod viderunt eam dæmoniacam; et postea sanam. Hæc sunt pariter verba desumpta ex Tabula supradicta, cujus fidem in primo Miraculo ex multis comprobavimus, et operationem Miraculorum in secundo firmavimus, et de infirmitate, et liberatione ejusdem Isambergæ

bergæ in specie deponunt Testes excedentes annum quinquagesimum, asserentes audivisse à Majoribus suis, qui etiam à Majoribus audierunt, Isambergam à dæmone vexatam intercellione Beati Pontificis fuisse liberatam, nempe I. in secundo Remissoriali Aretino super 4. fol. 27., IV. fol. 45., et V. fol. 51. In genere autem de Obsessis liberatis, et per relationem ad Tabulam, deponunt eodem Processu II. fol. 35., III. fol. 40., VI. fol. 58., et in Informativo Aretino VIII. Testis super 8. 9. et 10. Interrogat. fol. 71., et in Remissoriali Placentino IX. super 26. artic. fol. 85. Nec in ipsâ historia in Tabula perpetuata hoc ipsum Miraculum probatione destitutum reperitur, quia legitur in ea etiam juramentum Obsessæ per verba in verbo fidei, quæ, ut et illa, in verbo veritatis, et sub comminatione futuri Judicii, juramentum important c. etsi Christus ubi Abh. in 6. notab. de jur. juran., Seraphin. de privileg. juram. privileg. 95. num. 7.; et adnotati sunt quinque Testes asserentes, quod illam viderunt dæmoniâcam, et postea sanam, cum quibus conveniunt, saltem in genere vita manuscripta ejusdem Pontificis in Piacentino compulsata; et conveniunt etiam modernis temporibus circumstantiæ in Miraculo enunciata tam respectu temporis anni 1276., quo currebat indictio quarta, ut ex Joanne Lucido de Emend. temp. part. 2., quàm respectu Castri prædicti.

Nec refert, quod Testes dixerint, vidisse eam dæmoniâcam absque ratione eorum dicti, prout necessarium est, quando materia non cadit sub sensu corporeo, quia huic objecto satisfacimus in primo simili Miraculo ex juramento Obsessæ, ex scriptura enunciante factum perfectum, et ex eo, quod Infirmæ credatur, quando destituatur factum aliâ possibili probatione, et nunc addimus tolerantiam historiæ narratæ per tot secula, et testimonium Ecclesiæ in celebratione festi hujus Beati Pontificis, ex quibus credimus non posse dubitari de veritate facti in Tabula enunciati.



QUINTUM MIRACULUM

*Gibbus, & Contortus, stando ad Sepulcrum Beati Pontificis
sanus surrexit, & abiit.*

Benintende filius Benincasæ de Vocognano dixit suo juramento, quod jam sunt quinque anni, et plus, quod propter gravem infirmitatem, quam habuit, aliquo modo non potuit ire, nec redire sine baculo, five scaccis, et quando ibat cum scaccis, semper ibat contortus, et gibbus, & adeò incurvatus, quod quasi retinebat caput, et faciem suam juxta Terram, et aliter non poterat ire, nec se erigere, et veniendo, et stando cum magna reverentia ad monumentum Beati Gregorii superscripti; cui se devovit, et invocando auxilium suum, meritis ipsius liberavit eum Deus à dicta infirmitate, ita quod liberè sine baculo, vel alio adjutorio prædictus vadit, et redit quocumque vult. Prædicta omnia testificantur Arengutius Nepos dicti Benintendis, Donna Subilia uxor dicti Arengutii, Giana famula dicti Arengutii, et multi alii, qui viderunt eundem sic infirmum, et contortum, et modò sanum, et hæc testificari fuerunt coram Rainerio de Gressa, et Donato de Martinellis Canonicis Ecclesiæ Cathedralis Aretinæ, et multis aliis. Miraculum articulare, et totam seriem rei sic gestæ narrat eadem Tabula, cujus fidem ex antiquitate, tolerantia, observantia, et aliis adminiculis suprâ probavimus, et junctis Testibus de publica voce et fama in specie hujus Miraculi, et aliis in genere deponentibus etiam per relationem ad Tabulam, credimus sufficienter factum probari sequendo gloss. in cap. Cum causam de probat., Bellam. decif. 70., Cassad. decif. 2. de probat. cum aliis in Articulo de Sanctitate in genere relatis: nam in secundo Remissoriali Aretino deponunt in specie I. Testis super 5. fol. 28., IV. fol. 45., V. fol. 52., et ex eodem Processu in genere II. fol. 35., III. fol. 40., et VI. fol. 58., et VIII. Testis ex Informativo Aretino juxta 8. 9. et 10. Interrogatorium fol. 71., et IX. in Remissoriali Placentino super 26. Artic. fol. 83. Cum quibus etiam convenit Vita ejusdem Beati Pontificis manuscripta in Compulsoriali Placentino registrata, at cum Miraculi series deduceretur ex Codicibus antiquis, fuit recepta in multis

multis Relationibus Sanctorum Hyacinthi versic. Primum ergo ad laudem, Sancti Raymundi, Sancti Isidori, et Sanctæ Regine Elisabethæ.

Nec dubitavimus ex facto probato colligi Miraculum, quia infirmitas Gibbi, et Contorti, cum proveniat à nimia humiditate, vel siccitate, Savonarol. in prax. tract. 6. de ægroud. nervorum cap. 2. rubr. 2. vers. Causæ ex naturæ viribus, aut medicinali cura vis morbi in instanti expelli non potest, sed longo temporis spatio curatur. Et idem fuit observatum in Relatione Beatæ Mariæ Magdalænæ de Pazzis in tertio Miraculo in Vita, et in Relatione Beatæ Joannæ de Cruce in quarto Miraculo post mortem, et de valdè contorto in Relatione Sanctæ Theresiæ in quarto Miraculo.

SEX TUM M I R A C U L U M

Aretina Mulier cæca stando sub sepulcro Beati Pontificis illuminatur.

Bona Uxor Donati de Civitate Aretii de Populo Sancti Petri parvi dixit, et affirmavit suo juramento, quòd ipsa sine interpolatione stetit Avocula, et amisit lumen oculorum suorum: Jam est unus annus, et plus, ita quod aliquo modo non potuit videre, et veniendo et stando sub sepulcro Beati Gregorii Papæ Decimi supradicti, cui se devovit cum magna reverentia, meritis ipsius Beatissimi Patris Deus liberavit eam stando sub monumento ejusdem ita, quod benè videt, et cognoscit omnes res, quæ sibi monstrantur. Et prædicta juravit sic esse vera Donna Guidalotta axor Capardini, quæ fuit de Senis, quæ moratur cum ipsa Donna Bona in domo, Donna Imelda uxor Rubei Sbragernæ, Donna Servita filia olim Orlandi, et Donna Bruna uxor Guidonis Fornari. Et hoc testificatus fuit in verbo Fidei Don Amadeus Prior S. Petri parvi, sacerdos dictæ Donnæ Bonæ. Hujusmodi Miraculum eodem modo ex Tabula sexto loco desumptum nititur eisdem probationibus, nempe Testium depositione in specie, et in genere de voce, et publica fama, et testimonio antiquæ hujus Tabulæ. Nam Testes in secundo Processu Remissoriali Aretino in specie deponunt de illuminatione hujus mulieris Cæcæ meritis ejusdem

ejusdem Beati Pontificis de publica voce et fama, et de auditu à Majoribus, prout I. super 6. Articuli. fol. 28., IV. fol. 46., V. fol. 52., Et in genere ex eodem Processu II. fol. 35., III. fol. 40., VI. fol. 58. In Placentino IX. fol. 85. deponit de tribus Cæcis illuminatis; Et in Aretino Informativo VIII. Testis fol. 71., et de Cæcis illuminatis, idem refert Historia Vitæ ejusdem Beati Pontificis compulsata in Placentino fol. 98. Et huic Miraculo conveniunt enunciata in Statutis Aretinis de anno 1536. impressis, et depositio Testis I. Processus Remissorialis Aretini, à quibus fit mentio Ecclesiæ Parochialis S. Petri parvi, de qua enunciatum hæc mulier cæca, et Rector, seu Prior, qui testimonium super Miraculo perhibuit, ita, ut, cum versetur in antiquissimis supra 300. annos, ut in aliis Miraculis hujus Tabulæ firmavimus, et Testes de auditu et fama, et historiæ plenè probant, et junctis supradictis eò plenior remanet probatio, quia conjecturæ, et presumptiones valdè coadjuvant enunciativas, et dicta Testium de auditu, et publica voce et fama cap. Cum causam de probat., et Seraphin. decif. 75., Rota decif. 694. num. 7. part. 2. recent., et in Relationibus Sanctorum Hyacinthi, et Raymundi fuit firmatum.

SEPTIMUM ET OCTAVUM MIRACULUM

*Duc Mulieres à dæmone vexatæ positæ sub monumento
Beati Pontificis liberantur.*

DRuda uxor Amici de Rocha de Vezzano, et Vivella filia Baldutii dicti Loci in verbo veritatis, et in judicio, quod deberent recipere in die judicii, dicunt, et affirmant, quod ipsæ steterunt vexatæ, et occupatæ à spiritibus malignis pluribus temporibus, et specialiter ipsa Druda dixit, quod stetit vexata duodecim annis et plus, et Vivella ejus Nepos dicti loci dixit, quod steterat vexata ab ipsis spiritibus benè per quinque annos, et Amicus Maritus Drudæ, et Bonansegna filius Ognibene de Rocha prædicta, testificati sunt eodem modo dicentes, dictas mulieres verum dixisse, sicuti viderant et audierant. Et meritis Beati Gregorii supradicti, cui se devoverunt sub monumento suo, liberavit eas Deus: testificati fuerunt hæc presentibus Dominis Bonfi-

Bonfiguore Primicerio, Donato & Henrico, Canonicis Aretinis, & multis aliis. Cum hujusmodi narrativa, quæ legitur in supradicta Tabula, concurrunt depositiones Testium in specie de hoc Miraculo deponentium, & aliorum in genere, & per relationem ad Tabulam de publica voce & fama in Civitate Aretii, & in Locis originariis Mulierum, in quarum personis Miracula contigerunt, & veritati prædictorum conveniunt etiam conjecturæ Vitæ Beati Pontificis manuscriptæ: de publica voce & fama in specie deponunt in secundo Remissoriali Aretino super 7. & 8. articul. I. fol. 28., IV. fol. 46., V. fol. 52. Et in genere ex eodem Processu II. fol. 35., III. fol. 40., VI. fol. 58., & IX. Testis in Remissoriali Placentino fol. 85. Nec desunt infirmarum Obsessarum attestaciones, & juramenta, & attestacionum per viros religiosos receptiones: ex quibus visum fuit ad hujus Miraculi, & seu duorum Miraculorum substantiam sufficientem concurrere probationem, cum versemur in antiquissimis, ut in aliis Miraculis fuit jam dictum, & fugare dæmones non sit humanæ facultatis, sed divinæ, ut supra in primo Miraculo fuit jam firmatum.

NONUM MIRACULUM

*Mulier per triginta annos à spiritibus immundis vexatâ
intercessione Beatis Pontificis liberatur. .*

BOnasia uxor Galgani de Castilione filiorum Alberti dixit suò juramento, quòd vexata stetit ab immundis spiritibus per triginta annos, & plus, vel aliâ crudeli infirmitate detenta stetit à tempore, quo visa Eclypsis solis usque ad primam diem Dominicam mensis Maii extitit sic vexata; Deo, & Beato Gregorio se devovit, & ab ipsa dæmonum infestatione liberata fuit, & audivit vocem sibi dicentem: Bonasia, surge, & ter saluta B. Virginem Mariam, quoniam liberata es, & ipsa Bonasia subito surrexit, quasi terrens homines, & mulieres, infirmos astantes subtus sepulchrum prædictum; & liberavit eam Deus ab ipsa infirmitate, seu dæmonum infestatione, & hoc testificantur Orlandinus quondam Prataii de Castilione, Donua Encasa uxor Pisani, quæ erat secum sub prædicto monumento, & hæc omnia dixit coram D. Bonfiguore Primicerio Aretino, Presbytero Joanne Mansionario

nario Majoris Ecclesiæ, Jacobo Clerico : Et hæc historia tamquam desumpta ex Tabula prædicta in Compulsoriali Aretino posita, & concurrente probatione Testium de fama, & publica voce deponentium tam in specie, quam in genere, & enunciativis vitæ ejusdem Beati manuscriptæ, tolerantia, observantia, & testimonio Ecclesiæ roborata, dicimus, factum miraculosum probari; Nam Testes in specie de Bonasia deponunt in secundo Remissoriali Aretino super nono Articulo, nempe I. fol. 29., IV. fol. 47., V. fol. 53., & ex eodem Processu II. in genere fol. 35., III. fol. 406., VI. fol. 58. & in Informativo Aretino VIII. supe. 8. 9. & 10. Interrogatorio, & in Remissoriali Placentino IX. super 26. Articulo fol. 83.

Neque credimus quidquam obstare, quòd historia supradicta narret, quòd Bonasia stetit vexata per triginta annos, vel alia crudeli infirmitate detenta, quasi dubitari possit, an verè fuerit obfessa, cum potuerit alia infirmitate detineri, quamvis gravi & crudeli.

Quia etiam quod agatur de crudeli infirmitate supra triginta annos continuatâ, quæ nullâ Medicorum arte sanari potuit, ut eadem historia præsupponit, & in instanti stando sub monumento Beati Pontificis liberata fuerit, non minus existimavimus Miraculum; sed verius credidimus ex signis in serie Miraculi narratis nos versari in Obsessâ à dæmone, quia evomuit multa, quæ humana natura non patitur, & deindè vocem salutarem audivit: Bonasia, surge, & ter saluta B. Virginem Mariam, quoniam liberata es: quodque ad hanc vocem surrexit, ac terruit homines, & mulieres sub monumento adstantes, itaut hæc magis dæmoniacam respiciant, quàm naturali infirmitate perturbatam.

DECIMUM MIRACULUM

*Puella membris contracta stando sub monumento meritis
Beati Pontificis sanatur.*

B Aldufinus filius olim Orlandi Civis Aretinus de Populo S. Michaelis, & D. Jacopina ejus uxor, dicunt, & affirmant in verbo veritatis, & in Fide Jesu Christi, quod Neria eorum filia fuit aded contracta in omnibus membris suis, quod non potuit se erigere, nec ire aliquo modo sine adjutorio hominis,

nis, vel mulieris, & faciendo dictam filiam apportare à quadam Serva dicti Baldusini ad monumentum Beati Gregorii supradicti, cui devoverunt dictam eorum filiam, stando sub ejus monumento, meritis ipsius liberavit eam Deus, ita quod per se sine adjutorio alicujus potest se erigere, & liberè ire : & hæc testificantur fuisse vera D. Beneludus Orlandus quondam Jacobi, Rainerius olim D. Ubertini, & plures alii Testes. Hujus Miraculi factum desumpsimus ex eadem Tabula, prout jacet in ordine decimum, & pro cujus probatione deducimus ea omnia, quæ superius in aliis Miraculis fuerunt dicta, nempe historiam antiquæ Tabulæ ad sepulcrum Beati Pontificis appensæ, Testes in specie & sigillatim de hoc Miraculo deponentes de auditu, & publica voce & fama in Loco Infirmæ, una cum aliis in genere de communi reputatione, & fama veritatis Miraculorum deponentibus cum aliis adminiculis, & circumstantiis ad factum pertinentibus, Testes in specie super 10. Articulo in secundo Remissoriali Aretino hoc deponunt I. fol. 29., IV. fol. 47., V. fol. 57., Et ex eodem Processu in genere II. fol. 35., III. fol. 40., VI. fol. 58. quod semper audierunt à suis majoribus & senioribus, qui etiam à majoribus suis audierunt Miraculum supradictum sequutum ad sepulcrum Beati Pontificis, & quod de eo tam in Civitate Aretii, quàm in Locis circumvicinis extitit & extat publica vox & fama: quibus accedunt VIII. Testis in Informativo fol. 71., & IX. in Remissoriali Placentino fol. 85. & historia ipsa Testibus munita, & in sua narrativa verificata quoad diem, Indictionem, Pontificatum, sepulcri situationem, nempe super columnis positi, Parochiam Sancti Michaelis, Oppidum Massæ: quæ omnia probantur ex Relatione Notarii in primo Remissoriali Aretino fol. 190., & ex Testibus ejusdem Processus III. juxta 5. Interrogatorium fol. 50., & IV. fol. 56., V. fol. 62., VI. fol. 61., VII. fol. 78., VIII. fol. 88. XIII. fol. 106., & XVII. fol. 118. Undè jungendo Historiam Tabulæ antiquissimæ cum Testibus de publica voce, & fama, & aliis supra in primis Miraculis ponderatis, factum credimus concludenter probatum ex conclusionibus supra firmatis, & de miraculosa operatione non dubitavimus tam quoad infirmitatem, quàm quoad modum, cum in utroque casu vires naturæ, & humanæ artis excedat, ut de consimili Miraculo fuit firmatum in Relationibus Beatorum Bertrandi in XV. Miraculo, & Pasqualis in 4. &

5., & Mariæ Magdalena de Pazzis in tertio Miraculo, & Sanctæ Theresiæ in quarto.

UNDECIMUM MIRACULUM

*Cæcus stando sub monumento Beati Pontificis,
& illud tangendo, statim lumen recipit.*

Joannes Petri de Carpignano Plebatus Plebis S. Petri de Massa dixit, & affirmavit, quod stetit avocolus, & non potuit videre, jam est annus, vel parum minus, ita quod non videbat lumen, & veniens ad monumentum Beatissimi Patris Gregorii supradicti, cui se devovit, & stando sub monumento prædicto, & tangendo ipsum monumentum, meritis ipsius subito liberatus est ita, quod benè videt. Et hoc testificatus fuit Timideus, & D. Berta uxor ipsius Timidei. Ad probationem hujus Miraculi, quod in eadem Tabula in ordine decimum tertium recensetur, concurrunt eadem probationes, nempe Historiæ, Tabulæ, Testium in specie & in genere de publica voce & fama deponentium, nam I. in secundo Remissoriali Aretino super 11. Articulo fol. 30., IV. fol. 47., V. fol. 53., in specie hujus Miraculi deponunt de publica voce, & fama, & auditu à majoribus antiquis, & in genere ex eodem Processu II. fol. 36., VI. fol. 59., cum quibus conveniunt VIII. in Informativo Aretino fol. 71., IX. in Remissoriali Placentino fol. 85., & Historia Vitæ ejusdem Beati Pontificis manuscripta; compulsata in Placentino, Tabulæ ipsæ Ecclesiæ Aretinæ, Vaticani, & Vallicellæ, & alia adminicula suprà ponderata, quæ sufficere credimus ad antiquissimi facti probationem, sicuti in præcedentibus firmavimus, & ad qualitatem Miraculi, & illius subsistentiam, ultrà jam dicta de aliis Cæcis in tertio & sexto, ad duo advertimus, quæ Miraculum celebre, & admirandum magis reddunt, quod ad contactum sepulcri, et statim, Cæcus lumen recepit; per contactum est quidem modus operandi Miracula communicatus humanitati Sanctissimi Domini Nostri Jesu Christi, ut docet D. Chrysostomus Hom. 5. in Sanctum Marcum, & S. Cyrillus lib. 2. in Sanctum Joannem cap. 4., quem dum Sanctis suis Deus communicat, ille dicitur excellentior modus operandi Miracula, qui ad illa potestativè, seu tanquam instrumentum

tum physicum concurrat, Divus Gregorius 2. Dialogorum c. 4., & S. Doctor quæst. 3. de malo art. 3., & 2. 2. quæst. 83. art. 1. Cum igitur Deus per contactum sepulcri Beati Pontificis Miraculum perfecit, ostenditur, illi suam virtutem communicasse, et donum dedisse Servo suo operandi miracula; & non minus celebre miraculum præsignat operatio salutis in instanti, cum ille modus superet omnes vires naturæ creatæ secundum Divum Thomam part. 1. quæst. 105. art. 3. versic. tertio modo: & fuit observatum in Relationibus S. Theresiæ in tertio miraculo, in vita B. Joannæ de Cruce in ultimo miraculo post mortem.

DUODECIMUM MIRACULUM

*Mulier Muta, & Surda à Nativitate stando sub
sepulcro Beati Pontificis, & illud
tangendo, sanatur.*

MArgarita uxor Joannis Savix de Castro Plebis de Massa Trebatia dixit & affirmavit, quod ipsa non potuit loqui aliquo tempore vitæ suæ, aliquo modo, vel audire: veniens ad Sepulcrum Beati Patris Gregorii supradicti devota fuit; & stando sub eodem sepulcro, & tangendo illud meritis ipsius Beati Patris Gregorii liberavit eam Deus, ita, quod loquitur, benè audit: et hoc testificata fuit Litiaria ejus Soror coram Bonignore Primicerio, Raynerio de Gressa, & D. Donato de Martinellis Canonici Aretinis.

Factum desumpsimus ex eadem Tabula in ordine 14. & miraculi veritatem comprobamus ex eisdem ferè argumentis, & probationibus, nempe Testium in specie, & genere deponentium, ex Tabula antiquissima ad sepulcrum appensâ, & in tribus Archivis conservata, Aretino, Vaticano, et Vallicellano, administris, et circumstantiis in aliis miraculis ponderatis, nam specifica probatio de auditu, et fama publica hujus miraculi in Loco Infirmæ, et partibus vicinis datur in secundo Remissoriali Aretino super 14. Articulo per I. Testem fol. 31., IV. fol. 48., V. fol. 54., Et ex eodem Processu in genere per II. fol. 36., VI. fol. 59., qui benè concludunt, quod semper audiverunt à suis majoribus, et senioribus, qui etiam à majoribus suis audiverant miraculum supradictum

prædictum ad sepulcrum Beati Pontificis sequutum fuisse circa personam nominatam, et semper habitum et reputatum pro vero miraculo sequuto ad intercessionem Beati Pontificis, et quod tam in Civitate Aretii, quam in Locis circumvicinis extitit et extat publica vox et fama. Concurrit præterea Historia vitæ manuscriptæ ejusdem Beati Pontificis compulsata in Placentino, ubi formalia verba habentur: Ad tumulum ejus Cæcis lumen, Claudis gressus, mutis verbum, et surdis auditus miraculosè redduntur; Et in Informativo Aretino VIII. Testis fol. 71., Et in Rempissoriali Placentino IX. fol. 85. Ex quibus omnibus junctis remanet probatum hujusmodi factum, quæ in antiquissimis solent implere probationem, ut in conclusionibus supra in aliis miraculis fuit firmatum.

Neque de sufficienti probatione in hoc miraculo dubitavimus ex eo, quod Tabula, ex qua deducitur factum, enunciet unicum Testem, et sceminam absque juramento.

Quia fundamentum probationis hujus facti deduximus ex Testibus de publica voce et famâ ad hæc usque tempora in Civitate Aretii vigente, ex Historia continuata per plura sæcula, tolerantia Ordinariorum, testimonio Ecclesiæ in festis hujus Beati Viri celebrandis, in oblationibus, et aliis supra ad famam sanctitatis relatis, et nihilominus etiam defectus juramenti in antiquis non tollit adminiculum desumptum ex dictis Testium, Ripa in l. admonendi num. 200. ff. de jur. jurand., et numerus Testium cum qualitate sexus feminei non obstat, quia duo concurrunt, nempe Margharita, quæ in propria persona miraculum recepit, et Soror ejus Litiana, qui numerus in qualibet materia sufficit, l. ubi numerus ff. de Testibus: Ad qualitatem autem sexus non attenderunt majores nostri, prout in relatione S. Raymundi in tertio miraculo, ubi mulieres admissæ fuerunt, et miraculum fuit probatum per depositionem duorum Testium, qui erant vir, et uxor, in quorum personis contigerat miraculum, et S. Hyacinthi versic. ad tertium modum in 7. et 8. miraculo, quæ fuerunt firmata ex depositione duarum mulierum, in alio quidem Matris et Filix, et in altero duarum Sororum, in quarum altera miraculum contigerat.

Nos autem attentâ facti probatione existimavimus pro miraculo esse judicandum, et concurrit gravitas infirmitatum auditus, et

et loquelæ, et sanitas in instanti recepta ad contactum sepulcri : et hujusmodi infirmitates sic à nativitate provenientes remediis naturalibus curari non possunt secundùm Hypocr. 3. de Articulis §. Oportet autem et incurabilia cognoscere num. 68., Galen. 3. pronost. 26. Et idem fuit dictum in Relatione S. Theresiæ in quarto Miraculo post mortem. Undè cum excedant vires totius naturæ creatæ, miraculo adscribendum venit, S. Thom. par. 1. q. 105. art. 8. in corpore vers. secundò aliquid.

DECIMUM TERTIUM MIRACULUM

Mulier sinistro fetu laborans, morti proxima, Voto per fratrem illius facto intercessione Beati Pontificis fetu emisso salva, & incolumis remansit.

Alexandra de Spadariis Nobilis Aretina uxor Joannis Antonii de Lappolis cùm jam concepisset adveniente tempore partus 5. Martii 1625. cœpit doloribus maximis torqueri, & exinde Infans in utero transversus brachium emisit : die sequenti hora decimâ in eodem situ cum brachio emisso existens fœtus mortuus est; fœtumque exanimem sustinens, illa maximis doloribus agitata, & viribus destituta emittere non potuit : deplorato miserabili casu hujus mulieris per Obstetrices, & Medicos adstantes, & desperatam salutem confanguineis lugentibus, frater illius Canonicus & Sacerdos Aretinus sororem de instanti transitu monuit, & Animam illius Deo commendare satagit. Verùm paulò post circa horam primam noctis idem Canonicus ab ea secessit in proximum cubiculum, ubi aderant plures Sanctorum Imagines, & cum ad pedes Crucifixi prostratus pro salute sororis preces effunderet, & auxilium Beati Pontificis imploraret, statim illi renunciatur fœtum mortuum ab utero Matris egressum fuisse muliere salvâ & incolumi.

Factum probatur ex depositione quatuor Testium, nempe ipsius Canonici fratris, duarum Obstetricum, & Physici, qui Infirmæ astiterunt, & viderunt mulierem in initio dolorum, exinde brachium Infantis emissum, & per diem integram mortuum, eandemque viribus destitutam, doloribus confectam, & animam agentem : postquàm autem Canonicus frater discessit ad orandum, vide-

viderunt eam post partum sanam, liberam, & incolumem. In circumstantiis etiam benè concordant, nempe de die tertiâ Martii, quo cœpit dolores pati, & de missione brachii, & quod die sequenti horâ decimâ fœtus obierit, ac postmodum, quodd horâ primâ noctis subsequenter Canonicus transierat in proximum cubicum, & eâdem horâ primâ sequuta fuerit fœtus emissio, & mulieris liberatio.

Neque veritatem facti obscurare potest Canonicus depositio, quod circâ horam primam noctis ipse astabat forori adhuc fœtum in Utero habenti, Obstetrices verò, & Physicus deponant de partu sequuto horâ primâ noctis, quia eorum dicta benè insimul conveniunt, nec aliquam patiuntur contrarietatem propter illam distinctionem (circa) quæ sustinet actum intra modicum tempus sufficiens ad compatibilitatem depositionum arbitrio Judicis determinandam: Menoch. de arbitr. lib. 2. casu 57., Cæsar de Grassi. decis. 6. num. 4. de Testibus, Rota decis. 344. num. 10. coram Papa Gregorio XV. Undè cum & in ipsa hora prima Canonicus adstaret, & in fine potuerit recedere, & orare, & statim ante lapsum horæ fœtum mulier emittere, benè se compatiuntur depositiones, maximè quia istud intermedium tempus determinatur, & restringitur per Obstetricem secundam Testem ad quartam partem unius horæ, quo temporis spatio Canonicus potuit abesse, orare, & gratiam impetrare.

Et nos attentâ probatione facti, consultisque primariis Physicis super qualitate infirmitatis, & desperata in eo statu salute Parturientis, censuimus, pluribus ponderatis, Miraculum esse Servi Dei intercessione patrarum.

Primò quia figuram partus, de quo agitur, præ omnibus difficillimam esse, omnes Medici consentiunt, ex quo brachium porrexerat Infans, itaut nonnisi capite in scapulas complicato exire cogeretur, quod nec attentari sine maxima matris perniciæ, & attentatum succedere non potuisset, quàm si ad naturalem situm, & figuram reduëtus fuisset Hypocr. lib. 1. de morb. mulier. & de nat. puer. Infant., Paul. lib. 3. ca. 66. Ætius sermone 16. cap. 22. asserentes fœtus hujusmodi naturali ordine non servato, qui est, ut capite primùm producto reliquum corpus subsequatur, comitari plerumque morte Infantis, vel matris, vel utriusque.

Secundò quia Infans brachium emiserat, & transversus in
utero

utero die 3. Martii 1625. fisteat, & in eadem figura existens die sequenti horâ decimâ mortuus repertus fuit, ut deponunt Obstetrices & Medicus super hoc facto examinati, & suprà relati: quo casu idem Hyppocr. dicto lib. 1. de morb. Mul. dicit: *quicumque fœtus mortui manum foras protendit, eam optimum quidem fuerit, si id fieri possit, intrò retrudere, & has partes in caput vertere. Si verò hoc fieri non possit, secare:* his planè verbis constat, difficultatem in casu nostro ad impossibilitatem reduci, in quo nedùm manus, sed brachium probatur emissum: & cum Hyppocrate communis est Medicorum opinio, Paulus lib. 6. cap. 74., Ætius lib. 6. cap. 23., Avicenna 21. 3. tract. 2. cap. 14., Savonarola tract. 6. c. 21. rubr. 41.

Tertiò quia Mater fœtum jam mortuum in utero per diem sustinuerat, qui tanquàm fœtens internam corruptionem arguit; Unde venter parturientis tumidior factus fuit, & vires illius omninò labefactatæ, itaut etiam animam ageret, ut deponunt omnes Testes super 27., & cum ad partus actionem requiratur calor vegetus, & fortis, nedùm Matris, sed etiam ipsius fœtus, ut dicit Hyppocr. eodem lib. 1. de morb. Mulier., jam patet, altero mortuo, & fixente, & Matre in extremo positâ, utrumque defecisse, & consequenter actionem pariendi non ad vires Infantis, vel Matris esse referendam, sed divino auxilio esse tribuendam.

Quartò successit subita partus emissio non excedens quartam partem unius horæ, ut deponunt Testes suprà relati, quæ actio cum inter figuras pariendi omnium difficillima, ut Infans capite in scapulas complicato exire cogatur, communi Medicorum sententiâ reputetur, consequitur etiam impossibile, ut tam brevi tempore natura suum prosequatur effectum.

Quintò contigit hæc emissio fœtus, Matre statim salvâ remanente, & ad hunc usque diem sanâ existente, quod secundùm artem fieri non poterat, sed vel illa perire, vel uterus totus exulceratus remanere debebat, vel alio majori morbo corripi eam necesse erat.

Quæ omnia simul saltem ponderata primariis Physicis visâ fuerunt Miraculum concludere, & nos in eandem sententiam venimus sequendo illorum iudicium tanquàm in arte Peritorum, 1. septimo mensē ubi Bald. in ultima additione ff. de Stat. Hom.,
1. pri-

l. prima ff. de ventr. inspic., cap. proposuisti de probat. latè Paris. conf. 56. num. 13. lib. 2., Boer. decis. 223. num. 21., Rota decis. 125. num. 9. coràm san. mem. Gregorio XV., & in casibus minorem difficultatem in figura habentibus idem fuit resolutum, ut in Relatione Sancti Raymundi Miraculo undecimo, ubi agebatur de Infante in caput ferente, qui modus naturalis est, & in Relatione Sancti Caroli Miraculo 34., in qua agebatur de fœtu transverso absque alicujus membri emissionem, & in Relatione Beati Francisci Borgiæ miraculo primo, qui casus præsentis consimilis est, ex quo Parturiens Puerum mortuum in utero gestabat venientem ex transverso cum brachio jam emissio.

Neque dubitavimus Miraculum ad intercessionem Beati Pontificis successisse ex eo, quod de antecedenti deprecatione et Voto in illius honorem pet. Canonicum emissio, visitandi scilicet illius sepulcrum unà cum Sorore, & Tabellam in signum impetratæ salutis appendendi, deponat ipse solus Canonicus, quia cum ipse etiam solus se contulerit in proximum cubiculum, itaut casus aliundè probari non possit, quàm per illius dictum, & hanc qualitatem, & circumstantiam omnes Testes suprâ relati concludant, sitque Sacerdos, & Vir probatæ fidei, fueritque solitus in suis necessitatibus confugere ad præsidium Beati Pontificis, & deponat de facto proprio, & de actu interno, standum est testimonio illius ad perfectam probationem inducendam, Castr. in leg. quicumque Cod. de serv. fugit., Gabriel. de Testib. conclus. 1. numer. 18. Et quod de miraculo sequuto in personis asserentium eorum proprio testimonio credatur, sæpè fuit admissum apud majores nostros in Relationibus Sancti Francisci de Paula pag. 44., Sancti Hyacinthi ad finem, Sancti Raymundi articul. 8., Sanctæ Franciscæ Romanæ Miraculo octavo, Sancti Caroli Miraculo 18., Sanctæ Theresiæ articul. 3., in prima Relatione Sancti Ignatii miraculo secundo, & Sancti Francisci Xaverii miraculo nono.

Hæc habuimus, BEATISSIME PATER, quæ de Beati Gregorii Decimi Processibus, Vitâ, Virtutibus, ac Miraculis, dicenda proposuimus, ex quibus sæpè expensis, canonicèque confectis, referri posse Beatum Virum in Sanctorum nume-

(LXXV)

numerum ritè censuimus , modò Sanctitas Vestra , cui traditæ
sunt Secretorum Cœlestium Claves , hac super re aperiat
Christiano populo divinitatis oraculum : Et sanè di-
vinitus factum videtur ut in hæc tempora re-
servaretur is , quem sua olim ætas Regum
Pacificatorem , Conciliatoremque po-
pulorum experta est , ut inter
hosce , qui Italiæ imminet ,
bellorum apparatus ,
& Urbani sapien-
tiâ in Terris ,
& è Cœlo Gregorii
patrocinio tuti
simus .

* *
*

L A U S D E O .

